

PL

2531

Kx

1886

V. 15



讀雪山房唐詩卷十一

小傳二

目錄一

詩廿六

詩人小傳

九

李泌

字長源京兆人七歲知爲文明皇召令供奉東宮

肅宗卽位參預軍國大議拜銀青光祿大夫仍請

還山代宗朝召爲翰林學士尋爲杭州刺史德宗

幸奉天徵授散騎常侍貞元中拜中書侍郎平章

事封鄴縣侯集二十卷今鈔七古一首

李嘉祐

字從一趙州人天寶七年擢第授秘書正字坐事

謫鄱江令調江陰入爲中臺郎上元中出爲台州

刺史大厯中復爲袁州刺史與嚴維劉長卿冷朝

陽諸人友善爲詩麗婉有齊梁風集一卷今鈔七

古一首五律八首七律七首七絕一首

盧綸

字允言河中蒲人大厯初數舉進士不第元載取其文以進補閬鄉尉累遷監察御史輒稱疾去坐與王縉善久不調建中初爲昭應令渾瑊鎮河中辟元帥判官累遷檢校戶部郎中貞元中舅韋渠牟表其才驛召之會卒集十卷今鈔七古三首五律八首七律十一首五排四首五絕五首七絕五首

戴叔倫

字幼公潤州金壇人劉宴管鹽鐵表主運湖南嗣曹王臯領湖南江西表佐幕府臯討李希烈畱叔倫領府事試守撫州刺史俄卽眞遷容管經略使

綏徠蠻落威名流聞德宗嘗賦中和節詩遣使者  
寵賜世以爲榮集十卷今鈔七古二首五律四首  
七律五首五絕二首七絕四首

鮑防

字子慎襄陽人天寶末進士第歷福建江西觀察  
使貞元中累禮部侍郎遷工部尙書致仕防善屬  
文尤工詩與中書舍人謝良弼友善時號鮑謝今  
鈔七古一首

楊巨源

字景山河中人貞元五年擢進士第爲張弘靖從  
事由秘書郎擢太常博士禮部員外郎出爲鳳翔  
少尹復召除國子司業年七十致仕歸時宰白以  
爲河中少尹食其祿終身集五卷今鈔七古一首

五律一首七律九首五排十首七絕三首

讀雪山房唐詩卷十一

七古目錄四

韋應物五首

李泌一首

劉長卿五首

錢起五首

郎士元一首

皇甫冉一首

李嘉祐一首

韓翃六首

盧綸三首

李端四首

李益五首

戴叔倫二首

顧況一首

戎昱一首

權德輿一首

鮑防一首

楊巨源一首

韓愈廿七首



讀雪山房唐詩卷十一

七古 四

長安道

韋應物

漢家宮殿含雲煙兩宮十里相連延晨霞出沒弄丹闕春雨  
依微自甘泉春雨依微春尚早長安貴游愛芳草寶馬橫來  
下建章香車卻轉從馳道貴游誰最貴衛霍勢難比何能蒙  
主恩幸遇邊塵起歸來甲第拱皇居朱門戕戕臨九衢中有  
流蘇合歡之寶帳一百二十鳳皇羅列含明珠下有錦鋪翠  
被之燦爛博山吐香五雲散麗人綺閣情飄飄頭上鶯釵雙  
翠翹低鬟曳袖迴春雪聚黛一聲愁碧霄山珍海錯棄藩籬  
烹犢烹羔如折葵旣請列侯封部曲還將金印授廬兒歡榮

讀雪山房唐詩卷十一  
若此何所苦但苦白日西南馳

古劍行

千年土中兩刃鐵土蝕不入金星滅沈沈青脊鱗甲滿蛟龍  
無足蛇尾斷忽欲動中有靈豪士得之敵國寶仇家舉意半  
夜鳴小兒女子不可近龍蛇變化此中隱夏雲奔走雷闐闐  
恐成霹靂飛上天

石鼓歌

周宣大獵兮岐之陽刻石表功兮煒煌煌石如鼓形數止十  
風雨缺訛苔蘚澀今人濡紙脫其文旣擊旣埽白黑分忽開  
滿卷不可識驚潛動蟄走云云喘逶迤相糺錯乃是宣王之  
臣史籀作一書遺此天地間精意長存世冥冥秦家祖龍還

刻石碣石之采李斯跡世人好古猶共傳持來比此殊懸隔

聽鶯曲

東方欲曙花冥冥啼鶯相喚亦可聽乍去乍來時近遠纔聞  
南陌又東城忽似上林翻下苑綿綿蠻蠻如有情欲嘯不嘯  
意自嬌羌兒弄笛曲未調前身後身不相及秦女學箏指猶  
澀須臾風暖朝日曛流音變作百鳥喧誰家懶婦驚殘夢何  
處愁人憶故園伯勞飛過聲跼促戴勝下時桑田綠不及流  
鶯日日啼花間能使萬家春意閑有時斷續聽不了飛去花  
枝猶裊裊還栖碧樹鎖千門春漏方殘一聲曉

漢武帝雜歌

三首之一

漢武好神仙黃金作臺與天近王母摘桃海上還感之西過

言山房詩卷十一  
二  
聊問訊欲來不來夜未央殿前青鳥先迴翔綠鬢縈雲裾曳  
霧雙節飄飄下仙步白日分明到世間碧空何處來時路玉  
盤捧桃將獻君踟躕未去畱彩雲海水桑田幾翻覆中間此  
桃四五熟可憐穆滿瑤池燕正直花開不得薦花開子熟安  
可期邂逅能當漢武時顏如芳華潔如玉心念我皇多嗜欲  
雖畱桃核桃有靈人間糞土種不生由來在道豈在藥徒勞  
方士海上行掩扇一言相謝去如煙非煙不知處

太歲賦長歌

李泌

天覆吾地載吾天地生吾有意無不然絕粒昇天衢不然鳴  
珂游帝都焉能不貴亦不去空作昂藏一丈夫平生意氣多  
良圖請君看取百年事業就扁舟泛五湖

聽笛歌

劉長卿

舊游憐我長沙謫載酒沙頭送遷客天涯望月自沾衣江上  
何人復吹笛橫笛能令孤客愁淶波澹澹如不流商聲寥亮  
羽聲苦江天寂歷江楓秋靜裏關山聞一叫三湘月色悲猿  
嘯又吹楊柳激繁青千里春色傷人心隨風飄向何處落惟  
見曲盡平湖深明發與君離別後馬上一聲堪白首

小鳥篇上裴尹

藩籬小鳥何甚微翩翩日夕空此飛只緣六翮不自致長似  
孤雲無所依西城黯黯斜暉落眾鳥紛紛皆有託獨立雖輕  
燕雀羣孤飛還懼鷹鷂搏自憐天上青雲路弔影徘徊獨愁  
暮銜花縱有報恩時擇木誰容託身處歲月蹉跎飛不進羽

言雪口房唐詩卷十一  
三  
毛顙頓何人問繞樹空隨烏鵲驚巢林只有鷦鷯分主人庭  
中蔭喬木愛此清陰欲棲宿少年挾彈遙相猜遂使驚飛往  
復迴不辭奮翼向君去惟怕金丸隨後來

疲兵篇

驕虜乘秋下薊門陰山日夕煙塵昏三軍疲馬力已盡百戰  
殘軀功未論陣雲泱泱屯塞北羽書紛紛來不息孤城望處  
增斷腸折劍看時可霑臆元戎日夕且歌舞不念關山久辛  
苦自矜倚劍氣凌雲卻笑聞笳淚如雨萬里飄飄空此身十  
年征戰老胡塵赤心報國無片賞白首還家有幾人朔風蕭  
蕭動枯草旌旗獵獵榆關道漢月何曾照客心胡笳只解催  
人老軍前仍欲破重圍閨裏猶應愁未歸小婦十年啼夜織

行人九月憶寒衣飲馬滹沱曉更清行吹羌笛遠歸營只恨  
漢家多苦戰徒遺金鏃滿長城

嚴陵釣臺送李康成江東奉使

潺湲子陵瀨髣髴如在目七里人已非千年水空綠新安江  
上孤帆遠應逐楓林萬餘轉古臺落日共蕭條寒水無波更  
清淺臺上漁竿不復持卻令猿鳥向人悲灘聲山翠至今在  
遲爾行舟晚泊時

戲贈千越尼子歌

鄱陽女子年十五家本秦人今在楚厭向春江空浣紗龍宮  
落髮披袈裟五年持戒長一食至今猶自顏如花亭亭獨立  
青蓮下忍草禪枝繞精舍自用黃金買地居能嫌碧玉隨人

言三山房詩卷二  
四  
嫁北客相逢疑姓秦鉛華拋卻仍青春一花一竹如有意不  
語不笑能畱人黃鸝欲棲白日暮天香未散經行處卻對香  
鑪閑誦經春泉漱玉寒冷冷雲房寂寂夜鐘後吳音清切令  
人聽人聽吳音歌一曲杳然如在諸天宿誰堪世事更相牽  
惆悵迴船江水淥

紫參歌

并序

錢起

紫參幽芳也五葩連萼狀飛禽羽舉俗名之五鳥花  
起故山道人蘭若尤豐此藥校書劉公詠歌之俾予  
繼組

遠公林下滿青苔春藥偏宜間石開往往幽人尋水見時時  
仙蝶隔雲來陰陽雕刻花如鳥對鳳連雞一何小春風宛轉

虎溪傍紫翼紅翹翻霽光貝葉經前無住色蓮花會裏暫畱  
香蓬山才子憐幽性白雪楊春動新詠應知仙卉老雲霞莫  
賞天桃滿蹊逕

畫鶴篇

點素凝姿任畫工霜毛玉羽照簾櫳借問飛鳴華表上何如  
粉纈彩屏中文昌宮近芙蓉闕蘭室綢繡香且結鑪氣朝成  
綵嶺雲銀燈夜作華亭月日暖花明梁燕歸應驚片雪在仙  
闈主人顧盼千金重誰肯裴回五里飛

賦得青城山歌送楊杜二郎中赴蜀軍

蜀山西南千萬重仙經最說青城峯青城嶽岑倚空碧遠壓  
峨眉吞劍壁錦屏雲起易成霞玉洞花明不知夕星臺二妙

言雪山房集詩卷十一  
逐王師阮瑀軍書王粲詩日落猿聲連玉笛晴來山翠傍旌  
旗綠蘿春月營門近知君對酒遙相思

送褚大落第東歸

離琴彈苦調美人慘向隅頃來荷策干明主還復扁舟歸五  
湖漢家側席明敫久豈意遺賢在林藪玉堂金馬隔青雲墨  
客儒生皆白首昨夢芳州采白蘋歸期且喜故園春稚子只  
思陶令至文君不厭馬卿貧剡中風月久相憶池上舊游應  
再得酒熟寧孤芳杜春詩成不枉青山色念此那能不羨歸  
長楊諫獵事皆違他日東流一乘興知君爲我埽荆扉

哭曹鈞

苦節推白首憐君負此生忠藎名空在家貧道不行朝來相

憶訪蓬華只謂淵明猶臥疾忽見江南弔鶴來始知天上文  
星失嘗恨知音千古稀那堪夫子九泉歸一聲鄰笛殘陽裏  
酹酒空堂淚滿衣

塞下曲

郎士元

寶刀塞下兒身經百戰曾百勝壯心竟未嫖姚知白草山頭  
日初沒黃沙戍下悲歌發蕭條夜靜邊風吹獨倚營門望秋  
月

澧水送鄭豐鄆縣讀書

麥秋中夜涼風起送君西郊及澧水孤煙遠樹動離心隔岸  
江流若干里早年江海謝浮名此路雲山愜爾情上古全經  
皆在口秦人如見濟南生

雜興

李嘉祐

花間昔日黃鸝轉  
妾向青樓已生怨  
花落黃鸝不復來  
妾老君心亦應變  
君心比妾心  
妾意舊來深  
一別十年無尺素  
歸時莫贈路傍金

送客之江寧

韓翃

春流送客不應賒  
南入徐州見柳花  
朱雀橋邊看淮水  
烏衣巷裏問王家  
千閭萬井無多事  
闔戶開門向山翠  
楚雲朝下石頭城  
江燕雙飛瓦棺寺  
吳士風流甚可親  
相逢嘉賞口應新  
從來此地夸羊酪  
自有葍羹味可人

送高平朱參軍思歸作

髯參軍髯參軍  
身爲北州吏  
心寄東山雲  
坐見萋萋芳草綠

遙思往日晴江曲刺船頻向剡中回捧被曾過越人宿花裏  
鶯啼白日高春樓把酒送車螯狂歌好愛陶彭澤佳句唯稱  
謝法曹平生樂事多如此忍爲浮名隔千里一雁南飛動客  
心思歸何待秋風起

送孫潑赴雲中

黃驄少年舞雙戟目視旁人皆辟易百戰能誇隴上兒一身  
復作雲中客寒風動地氣蒼茫橫吹先悲出塞長敲石軍中  
傳夜火斧冰河畔汲朝漿前鋒直指陰山外虜騎紛紛膽應  
碎匈奴破盡人看歸金印酬功如斗大

送客還江東

還家不落春風後數日應沾越人酒池畔花深鬪鴨欄橋邊

言言山房詩卷十一  
雨洗藏鴉柳遙憐內舍著新衣復向鄰家醉落暉把手閑歌  
香橘下空山一望鷓鴣飛

別汜水縣尉

未央宮殿開金鑰詔引賢良卷珠箔花間賜食近丹墀煙裏  
揮毫對青閣萬年枝影轉斜光三道先成君激昂谷永直言  
身不顧郗詵高第轉名香綠槐陰陰出關道上有蟬聲下秋  
草奴子平頭駿馬肥少年白皙登王畿五侯客舍偏畱宿一  
縣人家爭看歸南向千峰北臨水佳期賞地應窮此賦詩或  
送鄭行人舉酒常陪魏公子自憐寂寞會君稀猶著前時博  
士衣我欲低眉問知己若將無用廢東歸

贈別王侍御赴上都

翩翩馬上郎執簡佩銀章西向洛陽歸鄴杜回頭結念蓮花  
府朝辭芳草萬歲街暮宿春山一泉塢青青樹色傍行衣乳  
燕流鶯相間飛遠過三峯臨八水幽尋佳賞偏如此殘花片  
片細柳風落日疏鐘小槐雨相思掩泣復何如公子門前人  
漸疏幸有心期當小暑葛衣紗帽望回車

慈恩寺石磬歌

盧綸

靈山石磬生海西海濤平處與山齊長眉老僧同佛力呪使  
鯨人往求得珠穴沈成綠浪痕天衣拂盡蒼苔色星漢徘徊  
山有風禪翁靜扣月明中羣仙下雲龍出水鸞鶴交飛半空  
裏山精木魅不可聽落葉秋砧一時起花宮杳杳響泠泠無  
數沙門昏夢醒古廊燈下見行道疏林池邊聞誦經徒壯洪

鐘秘高閣萬金費盡工雕鑿豈如全質挂青松數葉殘雲一片峯吾師寶之壽中國願同劫石無終極

送張郎中還蜀歌

秦家御史漢家郎親專兩印征殊方功成走馬朝天子伏檻  
論邊若流水曉離僊署趨紫微夜接高儒讀青史瀘南五將  
望君還願以天書示百蠻曲棧重江初過雨前旌後騎不同  
山迎車拜舞多耆老舊卒新營遍青草塞口雲生火候遲煙  
中鶴唳軍行早黃花川下水交橫遠映孤霞蜀國晴邛竹筍  
長椒瘴起荔枝花發杜鵑鳴迴首岷峨半天黑傳觴接膝何  
由得空令豪士仰威名無復貧交恃顏色垂楊不動雨紛紛  
錦帳胡瓶爭送君須臾醉起簫笳發空見紅旌入白雲

臘日觀咸寧王部曲娑勒擒豹歌

山頭瞳瞳日將出山下獵圍照初日前林有獸未識名將軍  
促騎無人聲潛形踧伏草不動雙鵬旋轉羣鴉鳴陰方質子  
才三十譯語受詞蕃語揖捨鞍解甲疾如風人忽虎蹲獸人  
立歛然扼頰批其頤爪牙委地涎淋漓旣蘇復吼拗仍怒果  
叶英謀生致之拖自深叢目如電萬夫失容千馬戰傳呼賀  
拜聲相連殺氣騰凌陰滿川始知縛虎如縛鼠敗虜降羌生  
眼前祝爾嘉詞爾無苦獻爾將隨犀象舞苑中流水禁中山  
期爾攫搏開天顏非熊之兆慶無極願紀雄名傳百蠻

襄陽曲

李端

襄陽隄路長草碧柳枝黃誰家女兒臨夜妝紅羅帳裏有燈

言雪山房唐詩卷十一  
九  
光雀釵翠羽動明璫欲出不出脂粉香同居女伴正衣裳中  
庭寒月白如霜賈生十八稱才子空得門前一斷腸

雜歌呈鄭錫司空文明

昨宵夢到亡何鄉忽見一人山之陽高冠長劍立石堂鬢髮  
颯爽瞳子方胡麻作飯瓊作漿素書一帙在柏牀啖我還丹  
拍我背令我延年在人代乃書數字與我持小兒歸去須讀  
之覺來知是虛無事山中雪平雲覆地東嶺啼猿三四聲捲  
簾一望心堪碎蓬萊有梯不可躡向海迴頭淚盈睫且聞童  
子是蒼蠅誰謂莊生異蝴蝶學仙去來辭故人長安道路多  
風塵

又雜歌

漢水至清泥則濁松枝至堅蘿則弱十三女兒事他家顏色  
如花終索寞蘭生當門燕巢幕蘭芽未吐燕泥落爲姑偏忌  
諸嫂良作婦翻嫌媚家惡人生照鏡須自知無鹽何用妒西  
施秦庭野鹿忽爲馬巧僞亂真君試思伯奇掇蜂賢父逐曾  
參殺人慈母疑酒沽千日人不醉琴弄一絃心已悲常聞善  
交無爾汝讒口甚甘良藥苦山雞錦翼豈鳳皇隴鳥人言止  
鸚鵡向棚非才徒隱竈田文有命那關戶犀燭江行見鬼神  
木人登席呈歌舞樂生東去終居趙陽虎北轅翻適楚世間  
反覆不易陳緘此貽君淚如雨

妾薄命

憶妾初嫁君花鬟如綠雲迴燈入綺帳轉面脫羅裙折步教

讀書山房唐詩卷十一  
一  
人學偷香與客熏容顏南國重名字北方聞一從失恩意轉  
覺身顛顛對鏡不梳頭倚窗空落淚新人莫恃新秋至會無  
春從來閉在長門者必是宮中第一人

登夏州城觀送行人賦得六州胡兒歌 李益

六州胡兒六蕃語十歲騎羊逐沙鼠沙頭牧馬孤雁飛漢軍  
遊騎貂錦衣雲中征戍三千里今日征行何歲歸無定河邊  
數株柳共送行人一杯酒胡兒起作和蕃歌齊唱嗚嗚盡垂  
手心知舊國西州遠西向胡天望鄉久回頭忽作異方聲一  
聲回盡征人首蕃音虜曲一難分似說邊情向塞雲故國關  
山無限路風沙滿眼堪斷魂不見天邊青作塚古來愁殺漢

昭君

輕薄篇

豪不必馳千騎雄不在垂雙鞬天生俊氣自相逐出與雕鶚  
同飛翻朝行九衢不得意下鞭走馬城西原忽聞燕雀一聲  
去回鞍挾彈平陵園歸來青樓曲未半美人玉色當金樽淮  
陰少年不相下酒酣半笑倚市門安知我有不平色白日欲  
落紅塵昏死生容易如反掌得意失意由一言少年但飲莫  
相問此中報讐亦報恩

野田行

一作于鵠詩

日沒出古城野田何茫茫寒狐嘯青塚鬼火燒白楊昔人未  
爲泉下客行到此中曾斷腸

效古促促曲爲河上思婦作

促促何促促黃河九回曲嫁與棹船郎空牀將影宿不道君  
心不如石那教妾貌長如玉

夜上西城聽梁州曲

行人夜上西城宿聽唱梁州雙筦逐此時秋月滿關山何處  
關山無此曲鴻鴈新從北地來聞聲一半卻飛回金河戍客  
腸應斷更在秋風百尺臺

全唐詩分  
作二首

女耕田行

戴叔倫

乳燕入巢笋成竹誰家二女種新穀無人無牛不及犁持刀  
斫地翻作泥自言家貧母年老長兄從軍未娶嫂去年災疫  
牛園空截絹買刀都市中頭巾掩面畏人識以刀代牛誰與  
同姊妹相攜心正苦不見路人唯見土疏通畦隴防亂苗整

頓溝塍待時雨日正南岡下餉歸可憐朝雉擾驚飛東鄰西  
舍花發盡共惜餘芳淚滿衣

早春曲

青樓昨夜東風轉錦帳凝寒覺春淺垂楊搖絲鶯亂啼裊裊  
煙光不堪翦博山吹雲龍腦香銅壺滴愁更漏長玉頰啼紅  
夢初醒羞見青鸞鏡中影儂家少年愛遊逸萬里輪蹄去無  
迹朱顏未衰消息稀腸斷天涯草空碧

短歌

顧況

新繫青絲百尺繩心在君家轆轤上我心皎潔君不知轆轤  
一轉一惆悵何處春風吹曉幕江南淶水通朱閣美人二八  
顏如花泣向春風畏花落臨春風聽春鳥別時多見時少愁

言山房集卷二  
三  
人一夜不得眠  
瑤草玉繩相對曉

客堂秋夕

戎昱

隔窗螢影滅復流  
北風微雨虛堂秋  
蟲聲竟夜引鄉淚  
蟋蟀何知人自愁  
四時不得一日樂  
以此方悲客游惡  
寂寂江城無所聞  
梧桐葉上偏蕭索

古樂府

權德輿

光風淡蕩百花吐  
樓上朝朝學歌舞  
身年二八媚侍中  
幼妹承恩兄尙主  
綠窗珠箔繡鴛鴦  
侍婢先焚百和香  
鶯啼日出不知曙  
寂寂羅幃春夢長

雜感

鮑防

漢家海內承平久  
萬國戎王皆稽首  
天馬常銜苜蓿花  
胡人

歲獻葡萄酒五月荔枝初破顏朝離象郡夕函關鴈飛不到  
桂陽嶺馬走先過林邑山甘泉御果垂仙閣日暮無人香自  
落遠物皆重近皆輕雞雖有德不如鶴

大隄詞

楊巨源

二八嬋娟大隄女開壚相對依江渚待客登樓向水看邀郎  
卷幔臨花語細雨濛濛濕芰荷巴東商旅駐帆多自傳芳酒  
翻紅袖誰調妍妝回翠蛾珍簟華燈夕陽後當壚理瑟矜纖  
手月落星微五鼓聲春風搖蕩窗前柳歲歲逢迎沙岸間背  
人多整綠雲鬟無端嫁與五陵少離別煙波傷玉顏

文王羨里作

韓愈

目窈窕兮其凝其盲耳肅肅兮聽不聞聲朝不見一有日出兮

夜不見月與星有知無知今爲死爲生嗚呼臣罪當誅今天  
王聖明

嗟哉董生行

淮水出桐柏山東馳遙遙千里不能休淝水出其側不能干  
里百里入淮流壽州屬縣有安豐唐貞元時縣人董生召南  
隱居行義於其中刺史不能薦天子不聞名聲爵祿不及門  
門外惟有吏日來徵租更索錢嗟哉董生朝出耕夜歸讀古  
人書盡日不得息或山而樵或水而漁入厨具甘旨上堂問  
起居父母不戚戚妻子不容容嗟哉董生孝且慈人不識惟  
有天翁知生祥下瑞無時期家有狗乳出求食雞來哺其兒  
啄啄庭中拾蟲蟻哺之不食鳴聲悲徬徨躑躅久不去以翼

來覆待狗歸嗟哉董生誰將與儔時之人夫妻相虐兄弟爲讐食君之祿而令父母愁亦獨何心嗟哉董生無與儔

汴州亂二首

汴州城門朝不開天狗墮地聲如雷健兒爭誇殺畱後連屋累棟燒成灰諸侯咫尺不能救孤士何者自興哀

母從子走者爲誰大夫夫人畱後兒昨日乘車騎大馬坐者起趨乘者下廟堂不肯用干戈嗚呼奈汝母子何

河之水寄子姪老成

老成愈兄介之子卽所謂十二郎是也

河之水去悠悠我不如水東流我有孤姪在海陬三年不見兮使我心憂日復日夜復夜三年不見汝使我鬢髮未老而先化

山石

山石犖确行徑微黃昏到寺蝙蝠飛升堂坐階新雨足芭蕉  
葉大支子肥僧言古壁佛畫好以火來照所見稀鋪牀拂席  
置羹飯疏糲亦足飽我飢夜深靜臥百蟲絕清月出嶺光入  
扉天明獨去無道路出入高下窮煙霏山紅澗碧紛爛漫時  
見松櫬皆十圍當流赤足蹋澗石水深激激風吹衣人生如  
此自可樂豈必局束爲人鞿音嗟哉吾黨二三子安得至老  
不更歸

汴泗交流贈張僕射

建封

汴泗交流郡城角築場十步平如削短垣三面繚逶迤擊鼓  
騰騰樹赤旗新秋朝涼未見日公早結束來何爲分曹決勝

約前定百馬攢蹄近相映球驚杖奮合且離紅牛纓紱黃金  
羈側身轉背著馬腹霹靂應手神珠馳超遙散漫兩閑暇揮  
霍紛紜爭變化發難得巧意氣麤謹聲四合壯士呼此誠習  
戰非爲劇豈若安坐行良圖當今忠臣不可得公馬莫走須  
殺賊

雉帶箭

此愈佐張僕射於  
徐從獵而作也

原頭火燒靜兀兀野雉畏鷹出復沒將軍欲以巧伏人盤馬  
彎弓惜不發地形漸窄觀者多雉驚弓滿勁箭加衝人決起  
百餘尺紅翎白鏃相傾斜將軍仰笑軍吏賀五色離披馬前  
墮

桃源圖

神仙有無何渺茫桃源之說誠荒唐流水盤迴山百轉生綃  
數幅垂中堂武陵太守好事者題封遠寄南宮下南宮先生  
忻得之波濤入筆驅文辭文工畫妙各臻極異境恍惚移於  
斯架巖鑿谷開宮室接屋連牆千萬日羸顛劉蹶了不聞地  
坼天分非所恤種桃處處惟開花川原近遠蒸紅霞初來猶  
自念鄉邑歲久此地還成家漁舟之子來何所物色相猜更  
問語大蛇中斷喪前王羣馬南渡開新主聽終辭絕共悽然  
自說經今六百年當時萬事皆眼見不知幾許猶流傳爭持  
酒食來相饋禮數不同樽俎異月明伴宿玉堂空骨冷魂清  
無夢寐夜半金雞啁晰鳴火輪飛出客心驚人間有累不可  
住依然離別難爲情船開櫂進一迴顧萬里蒼蒼煙水暮世

俗寧知僞與真至今傳者武陵人

謁衡嶽廟遂宿嶽寺題門樓

五嶽祭秩皆三公四方環鎮嵩當中火維地荒足妖怪天假  
神柄專其雄噴雲泄霧藏半腹雖有絕頂誰能窮我來正逢  
秋雨節陰氣晦昧無清風潛心默禱若有應豈非正直能感  
通須臾靜埽眾峯出仰天突兀撐青空紫蓋連延接天柱石  
廩騰擲堆祝融森然魄動下馬拜松柏一逕趨靈宮粉牆丹  
柱動光彩鬼物圖畫填青紅升階僂僂薦脯酒欲以菲薄明  
其衷廟令老人識神意睢盱偵伺能鞠躬手持柸玟導我擲  
云此最吉餘難同竄逐蠻荒幸不死衣食纔足甘長終侯王  
將相望久絕神縱欲福難爲功夜投佛寺上高閣星月掩映

言集山房原言卷十一  
雲腫隴猿鳴鐘動不知曙杲杲寒日生於東

永貞行

君不見太皇諒陰未出令小人乘時偷國柄北軍百萬虎與

貔天子自將非他師一朝奪印付私黨懍懍朝士何能爲狐

鳴梟噪爭署置賜

式亦睽式冉切

跳跟相嫵媚夜作詔書朝拜

官超資越序曾無難公然白日受賄賂火齊磊落堆金盤元

臣故老不敢語晝臥涕泣何汎瀾董賢三公誰復惜侯景九

錫行可歎國家功高德且厚天位未許庸夫干嗣皇卓犖信

英主文如太宗武高祖膺圖受禪登明堂共流幽州鯨死羽

四門肅穆賢俊登數君匪親豈其朋郎官清要爲世稱荒郡

迫野嗟可矜湖波連天日相騰蠻俗生梗瘴癘烝江氣嶺禋

昏若凝一蛇兩頭見未曾怪鳥鳴喚令人憎蠱蟲羣飛夜撲  
燈雄虺毒螫墮股肱食中置藥肝心崩左右使令詐難憑慎  
勿浪信常兢兢吾常同僚情可勝具書目見非妄徵嗟爾旣  
往宜爲懲

劉生詩

生名師命其姓劉自少軒輊非常傳棄家如遺來遠遊東走  
梁宋暨揚州遂凌大江極東陬洪濤春天禹穴幽越女一笑  
三年畱南逾橫嶺入炎州青鯨高磨波山浮怪魅炫曜堆蛟  
虬山慘謹譟猩猩遊毒氣爍體黃膏流問胡不歸良有由美  
酒傾水禽肥牛妖歌慢舞爛不收倒心迴腸爲青眸千金邀  
顧不可酬乃獨遇之盡綢繆瞥然一餉成千秋昔鬚未生今

言山房集卷十一  
白頭五管厯徧無賢侯迴望萬里還家羞陽山窮邑惟猿猴  
手持釣竿遠相投我爲羅列陳前修芟蒿斬蓬利鋤耰天星  
迴環數纔周文學穰穰困倉稠車輕御良馬力優咄哉識路  
行勿休往取將相酬恩讐

鄭羣贈簞

蘄州簞竹天下知鄭君所寶尤瓌奇攜來當晝不得臥一府  
傳看黃琉璃體堅色淨又藏節盡眼凝滑無瑕疵法曹貧賤  
眾所易腰腹空大何能爲自從五月困暑濕如坐深甑遭蒸  
炊手磨袖拂心語口慢膚多汗真相宜日暮歸來獨惆悵有  
賣直欲傾家資誰謂故人知我意卷送八尺含風漪呼奴婦  
地鋪未了光彩照耀驚童兒青蠅側翅蚤蝨避蕭蕭疑有清

颿吹倒身甘寢百疾愈卻願天日恆炎曦明珠青玉不足報  
贈子相好無衰時

遊青龍寺贈崔大補闕

秋灰初吹季月管日出卯南暉景短友生招我佛寺行正值  
萬株紅葉滿光華閃壁見神鬼赫赫炎官張火傘然雲燒樹  
火實駢金烏下啄赭音虬虬卵魂翻眼倒忘處所赤氣沖融無  
間斷有如流傳上古時九輪照燭乾坤早二三道士席其間  
靈液屢進玻黎盃忽驚顏色變韶稚卻信靈僊非怪誕桃源  
迷路竟茫茫棗下悲歌徒纂纂前年嶺隅鄉思發躑躅成山  
開不算去歲羈帆湘水明霜楓千里隨歸伴猿呼鼯嘯鷓鴣  
啼側耳酸腸難濯澣思君攜手安能得今者相從敢辭懶由

來鈍騃

音矮

寡參尋况是儒官飽閑散惟君與我同懷抱鋤去

陵谷置平坦年少得途未要忙時清諫疏尤宜罕何人有酒  
身無事誰家多竹門可款須知節侯卽風寒幸及亭午猶妍  
暖南山逼冬轉清瘦刻畫圭角出崖窾當憂復被冰雪埋汲  
汲來窺戒遲緩

贈崔立之評事

崔侯文章苦捷敏高浪駕天輪不盡曾從關外來上都隨身  
卷軸車連軫朝爲百賦猶鬱怒暮作千詩轉遒緊搖毫擲簡  
自不供頃刻青紅浮海蜃才豪氣猛易語言往往蛟螭雜螻  
蚓知音自古稱難遇世俗乍見那妨哂勿嫌法官未登朝猶  
勝赤尉長趨尹時命雖乖心轉壯技能虛富家逾窘念昔塵

埃兩相逢爭名齟齬持矛楯子時專場誇觜距余始張君嚴

韞曉見切

勒爾來但欲保封疆莫學龐涓怯孫臏竄逐新歸厭

聞聞齒髮早衰嗟可閔頻蒙怨句刺棄遺豈有閑官敢推引  
深藏篋笥時一發戢戢已多如束筍可憐無益費精神有似  
黃金擲虛牝當今聖人求侍從拔擢杞梓收桔槔東馬嚴徐  
已奮飛枚臯卽召窮且忍復聞王師西討蜀霜風冽冽摧朝  
菌走章馳檄在得賢燕雀紛拏要鷹隼竊料二途必處一豈  
比恆人長蠢蠢勸君韜養待徵招不用雕琢愁肝腎牆根菊  
花好沽酒錢帛縱空衣可準暉暉簷日暖且鮮撻撻井梧疏  
更殞高士例須憐麴蘖丈夫終莫生畦畛能來取醉任喧呼  
死後賢愚俱泯泯

陸渾山火和皇甫湜用其韻

皇甫補官古賁

音陸字本公羊傳

渾時當元冬澤乾源山狂谷很相

吐吞風怒不休何軒軒擺磨出火以自燔有聲夜中驚莫原  
天跳地踔顛乾坤赫赫上照窮崖垠截然高周燒四垣神焦  
鬼爛無逃門三光弛隳不復噉虎熊麋豬逮猴猿水龍鼉龜  
魚與黿鴉鴟鵬鷹雉鵠鷖燖魚煨燼孰飛奔祝融告休酌卑  
尊錯陳齊玫闢華園芙蓉披猖塞鮮繁千鍾萬鼓咽耳喧攢  
雜嗽嘍沸箎塤彤幢絳旃紫纛旛炎官熱屬朱冠禪髹其肉  
皮通脰臀頰胸垤腹車掀轅緹顏靺股豹兩鞬音堅霞車虹靽  
日轂輻丹粲縹蓋緋繡帑紅帷赤幕羅脈幡音荒血也池波風  
肉陵屯谿呀鉅壑頗黎盆豆登五山瀛四尊熙熙穰穰笑語

言雷公擘山海水翻齒牙嚼齧舌腭反電光礮先念切礮徒念切

赭目暖

音喧大目也

項冥收威避元根斥棄輿馬背厥孫縮身潛

喘拳肩跟君臣相憐加愛恩命黑螭偵音焚其元天闕悠悠

不可援夢通上帝血面論側身欲進叱於闥帝賜九河湔涕

痕又詔巫陽反其魂徐命之前問何冤火行於冬古所存我

如禁之絕其飧女丁婦壬傳世婚一朝結讐奈後昆時行當

反慎藏蹲視桃著花可小騫月及申酉利復怨助汝五龍從

九鯤溺厥邑囚之崑崙皇甫作詩止睡昏辭誇出真遂上焚

要余和增怪又煩雖欲悔舌不可捫

和虞部盧四

汀

酬翰林錢七

徽

赤藤杖歌

赤藤爲杖世未窺臺郎始攜自滇池滇王埽宮避使者跪進

再拜五嗚

乙骨切

呿繩橋拄過免傾墮性命造次蒙扶持途經

百國皆莫識君臣聚觀逐旌麾共傳滇神出水獻赤龍拔鬚  
血淋漓又云羲和操火鞭暝到西極睡所遺幾重包裹白題  
署不以珍怪誇荒夷歸來捧贈同舍子浮光照手欲把疑空  
堂晝眠倚牖戶飛電著壁搜蛟螭南宮清深禁闈密唱和有  
類吹塤箎妍辭麗句不可繼見寄聊北分司

### 醉畱東野

昔年因讀李白杜甫詩長恨二人不相從吾與東野生並世  
如何復躡二子蹤東野不得官白首誇龍鍾韓子稍姦黠自  
慙青蒿倚長松低頭拜東野願得終始如駟螭東野不迴頭  
有如寸筵撞鉅鐘我願身爲雲東野變爲龍四方上下逐東

野雖有離別無由逢

寄盧仝

玉川先生洛城裏破屋數間而已矣一奴長鬚不裹頭一婢  
赤腳老無齒辛勤奉養十餘人上有慈親下妻子先生結髮  
憎俗徒閉門不出動一紀至今鄰僧乞米送僕忝縣尹能不  
恥俸錢供給公私餘時致薄少助祭祀勸參畱守鄭餘度謁大  
尹李言語纔及輒掩耳水北山人石得名聲去年去作幕下  
士水南山人溫又繼往鞍馬僕從塞間里少室山人李索價  
高兩以諫官徵不起彼皆刺口論世事有力未免遭驅使先  
生事業不可量惟用法律自繩己春秋三傳束高閣獨抱遺  
經究終始往年弄筆嘲同異怪辭驚眾謗不已近來自說尋

坦途猶上虛空跨綠駟去年生兒名添丁意令與國充耘耔  
國家丁口連四海豈無農夫親耒耜先生抱才終大用宰相  
未許終不仕假如不在陳力列立言垂範亦足恃苗裔當蒙  
十世宥豈謂貽厥無基址故知忠孝生天性潔身亂倫安足  
擬昨晚長鬚來下狀隔牆惡少惡難似每騎屋山下窺闕渾  
舍驚怕走折趾憑依婚媾欺官吏不信令行能禁止先生受  
屈未曾語忽此來告良有以嗟我身爲赤縣令操權不用欲  
何俟立召賊曹呼伍伯盡取鼠輩尸諸市先生又遣長鬚來  
如此處置非所喜况又時當長養節都邑未可猛政理先生  
固是余所畏度量不敢窺涯涘放縱是誰之過歟效尤戮僕  
愧前史買羊沽酒謝不敏偶逢明月曜桃李先生有意許降

臨更遣長鬚致雙鯉

酬司門盧四兄雲夫院長望秋作

長安雨洗新秋出極目寒鏡開塵函終南曉望蹋龍尾倚天  
更覺青巉巖自知短淺無所補從事久此穿朝衫歸來得便  
卽游覽暫似壯馬脫重銜曲江荷花蓋十里江湖生日思莫  
緘樂遊下矚無遠近綠槐萍合不可芟白首寓居誰借問平  
地寸步局雲巖雲夫吾兄有狂氣嗜好與俗殊酸鹹日來省  
我不肯去論詩說賦相喃喃望秋一章已驚絕猶言低抑避  
謗讒若使乘酣騁雄怪造化何以當鐫劖嗟我小生值強伴  
怯膽變勇神明鑒馳坑跨谷終未悔爲利而止真貪饒高揖  
羣公謝名譽遠追甫白感至誠樓頭完月不共宿其奈就缺

行攢攢

所咸切

石鼓歌

張生

籍

手持石鼓文勸我試作石鼓歌少陵無人謫仙死才

薄將奈石鼓何周綱陵遲四海沸宣王憤起揮天戈大開明  
堂受朝賀諸侯劍佩鳴相磨蒐于岐陽騁雄俊萬里禽獸皆  
遮羅鐫功勒成告萬世鑿石作鼓隳嵯峨從臣才藝咸第一  
揀選撰刻畱山阿雨淋日炙野火燎鬼物守護煩撝呵公從  
何處得紙本毫髮盡備無差訛辭嚴義密讀難曉字體不類  
隸與科年深豈免有缺畫快劍斫斷生蛟鼉鸞翔鳳翥眾仙  
下珊瑚碧樹交枝柯金繩鐵索鎖紐壯古鼎躍水龍騰梭陋  
儒編詩不收入二雅編迫無委蛇孔子西行不到秦倚撫星

宿遣羲娥嗟予好古生苦晚對此涕淚雙滂沱憶昔初蒙博  
士徵其年始改稱元和故人從軍在右輔爲我度量掘曰科  
濯冠沐浴告祭酒如此至寶存豈多擅包席裏可立致十鼓  
祇載數駱駝薦諸太廟比郤鼎光價豈止百倍過聖恩若許  
畱太學諸生講解得切磋觀經鴻都尙填咽坐見舉國來奔  
波剌苔剔蘚露節角安置妥帖平不頗大廈深檐與蓋覆經  
厯久遠期無佗中朝大官老於事詎肯感激徒媿音菴阿音牧  
童敲火牛礪角誰復著手爲摩挲日銷月鑠就埋沒六年西  
顧空吟哦羲之俗書趁姿媚數紙尙可博白鵝繼周八代爭  
戰罷無人收拾理則那方今太平日無事柄任儒術崇邱軻  
安能以此上論列願借辨口如懸河石鼓之歌止於此嗚呼

言言山房詩卷十一  
三  
吾意其蹉跎

贈劉師服

羨君齒牙牢且潔大肉硬餅如刀截我今呀豁落者多所存  
十餘皆兀臠匙鈔爛飯穩送之合口輒嚼如牛呵妻兒恐我  
生悵望盤中不飭粟與粳祇今年纔四十五後日懸知漸莽  
鹵朱顏皓頸訝莫親此外諸餘誰更數憶昔太公仕進初口  
含兩齒無贏餘虞翻十三比豈少遂自惋恨形於書丈夫命  
存百無害誰能點檢形骸外巨緡東釣儻可期與子共飽鯨  
魚膾

聽穎師彈琴

昵昵兒女語恩怨相爾汝劃然變軒昂勇士赴敵場浮雲柳

絮無根蒂天地闊達隨飛揚喧啾百鳥羣忽見孤鳳皇躋攀  
分寸不可上失勢一落千丈強嗟余有兩耳未解聽絲篁自  
聞穎師彈起坐在一旁推手遞止之濕衣淚滂滂穎乎爾誠  
能無以冰炭置我腸

月蝕詩效玉川子作

元和庚寅斗插子月十四日三更中森森萬木夜僵立寒氣  
貞音巽音頑無風月形如白盤完完上天東忽然有物來噉  
之不知是何蟲如何至神物遭此狼狽凶星如撒沙出攢集  
爭強雄油燈不照席是夕吐燄如長虹玉川子涕泗下中庭  
獨行念此日月者爲天之眼睛此猶不自保吾道何由行嘗  
聞古老言疑是蝦蟇精徑圓千里納女腹何處養女百醜形

杞沙腳手鈍誰使女解緣青冥黃帝有四目帝舜重其明今

天祇兩目何故許食使偏盲堯呼大水浸十日不惜萬國赤

子魚頭生女於此時若食日雖食八九無嚙名赤龍黑鳥燒

口熱翎鬣倒側相搪撐婪酣大肚遭一飽饑腸徹死無由鳴

後時食月罪當死天羅磔

音磔

市何處逃汝刑玉川子立於庭

而言曰地行賤臣全再拜敢告上天公臣有一寸刃可剗凶

墓腸無梯可上天天階無由有臣蹤寄牋東南風天門西北

祈風通丁寧附耳莫漏泄薄命正值飛廉慵東方青色龍牙

角何呀呀從官百餘座嚼啜煩官家月蝕汝不知安用爲龍

窟天河赤鳥司南方尾秃翅觮

陡加切

沙月蝕于汝頭汝口開

呀呀蝦蟇掠汝兩吻過忍學省事不以汝觜啄蝦蟇於菟蹲

於西旗旄衛麇音參髦音沙旣從白帝祠又食於蜡禮有加忍令

月被惡物食枉於汝口插齒牙烏龜怯姦怕寒縮頸以殼自  
遮終令夸蛾抉汝出卜師燒錐鑽灼滿板如星羅此外內外  
官瑣細不足科臣請悉埽除慎勿許語令嗽譁并光全耀歸  
我月盲眼鏡淨無纖瑕弊蛙拘送主府官帝箸下腹嘗其醢  
依前使免操杵曰玉階桂樹閑婆娑姮娥還宮室太陽有室  
家天雖高耳屬地感臣赤心使臣知意雖無明言潛喻厥旨  
有氣有形皆吾赤子雖忿大傷忍殺孩穉還汝月明安行于  
次盡釋眾罪以蛙磔死

### 短燈檠歌

長檠八尺空自長短燈二尺便且光黃簾綠幕朱戶閉風露

言  
氣入秋堂涼裁衣寄遠淚眼暗搔頭頻挑移近牀太學儒生  
東魯客二十辭家來射策夜書細字綴語言兩目眊昏頭雪白  
此時提攜當案前看書到曉那能眠一朝富貴還自恣長  
檠高張照珠翠吁嗟世事無不然牆角君看短檠棄

送僧澄觀

浮屠西來何施爲擾擾四海爭奔馳構樓架閣切星漢誇雄  
鬪麗止者誰僧伽後出淮泗上勢到眾佛尤恢奇越商胡賈  
脫身罪珪璧滿船寧計資清淮無波平如席欄柱傾扶半天  
赤火燒水轉埽地空突兀便高三百尺影沈潭底龍驚遁當  
晝無雲跨虛碧借問經營本何人道人澄觀名籍籍愈昔從  
軍大梁下往來滿屋賢豪者皆言澄觀雖僧徒公才吏用當

今無後從徐州辟書至紛紛過客何由記人言澄觀乃詩人  
一座競吟詩句新向風長歎不可見我欲收歛加冠巾洛陽  
窮秋厭窮獨丁丁啄門疑啄木有僧來訪呼使前伏犀插腦  
高頰權惜哉已老無所及坐睨神骨空潛然臨淮太守初到  
郡遠遣州民送音問好奇賞俊直難逢去去爲致思從容

奉酬盧給事雲夫四兄曲江荷花行見寄并呈上錢七

兄徽閣老張十八助教

曲江千頃秋波淨平鋪紅雲蓋明鏡大明宮中給事歸走馬  
來看立不正遣我明珠九十六寒光映骨睡驪目我今官閑  
得婆娑問言何處芙蓉多撐舟昆明度雲錦腳敲兩舷叫吳  
歌太白山高三百里負雪崔嵬插花裏玉山前卻不復來曲

江汀滢水平盃我時相思不覺一回首天門九扇相當開上  
界真人足官府豈如散仙鞭笞鸞鳳終日相追陪

讀雪山房唐詩卷十二 小傳一 目錄一 詩十八

詩人小傳十

盧仝 范陽人隱少室山自號玉川子徵諫議不起韓愈  
爲河南令愛其詩厚禮之後因宿王涯第懼甘露  
之禍詩三卷今鈔七古一首五律一首七絕一首



讀雪山房唐詩卷十二

七古目錄

五

柳宗元四首

劉禹錫十二首

孟郊一首

盧仝一首

李賀十三首

王建十五首

張籍十七首



讀雪山房唐詩卷十二

七古 五

古東門行

柳宗元

漢家三十六將軍東方雷動橫陣雲雞鳴函谷客如霧貌同  
心異不可數赤丸夜雨飛電光徼巡司隸眠如羊當街一叱  
百吏走馮敬胸中函七首兇徒側耳潛愜心悍臣破膽皆杜  
口魏王臥內藏兵符子西掩袂真無辜羌胡轂下一朝起敵  
國舟中非所擬安陵誰辨削礪功韓國詎明深井里絕臙斷  
骨那下補萬金寵贈不如土

放鷓鴣詞

楚越有鳥甘且腴嘲嘲自鳴爲鷓鴣徇媒得食不復慮機械

潛發懼

音

學

音

羽毛摧折觸籠籛煙火煽赫驚庖厨鼎前

苟藥調五味膳夫攘腕左右視齊王不忍齧鯨牛簡子亦放  
邯鄲鳩二子得意猶念此況我萬里爲孤囚破籠展翅當遠  
去同類相呼莫相顧

### 楊白花

楊白花風吹渡江水坐令宮樹無顏色搖蕩春光千萬里茫  
茫曉日下長秋哀歌未斷城鴉起

### 漁翁

漁翁夜傍西巖宿曉汲清湘燃楚竹煙銷日出不見人款乃

音

一聲山水綠迴看天際下中流巖上無心雲相逐

泰娘歌

并序

劉禹錫

秦娘本韋尙書家主謳者初尙書爲吳郡得之命樂  
工誨之琵琶使之歌且舞無幾何盡得其術居一二  
歲攜之以歸京師京師多新聲善工於是又捐去故  
技以新聲度曲而秦娘名字往往見稱於貴游之間  
元和初尙書薨于東京秦娘出居民間久之爲蘄州  
刺史張慤所得其後慤坐事謫居武陵郡慤卒秦娘  
無所歸地荒且遠無有能知其容與藝者故曰抱樂  
器而哭其音焦殺以悲客聞之爲歌其事以續于樂  
府云

秦娘家本閭門西門前綠水環金隄有時妝成好天氣走上  
臯橋折花戲風流太守韋尙書路傍忽見停隼旟斗量明珠

鳥傳意紺幃迎入專城居長鬟如雲衣似霧錦茵羅薦承輕  
步舞學驚鴻水榭春歌傳上客蘭堂暮從郎西入帝城中貴  
游簪裾香簾櫳低鬟緩視抱明月纖指破撥生胡風繁華一  
旦有消歇賜劒無光履聲絕洛陽舊宅生草萊杜陵蕭蕭松  
柏哀妝奩蟲網厚如蠶博山爐側傾寒灰蘄州刺史張公子  
白馬新到銅駝里自言買笑擲黃金月墮雲中從此始安知  
鵬鳥座隅飛寂寞旅魂招不歸秦嘉鏡有前時結韓壽香銷  
故篋衣山城少人江水碧斷鴈哀猿風雨夕朱絃已絕爲知  
音雲鬢未秋私自惜舉目風煙非舊時夢尋歸路多參差如  
何將此千行淚更灑湘江斑竹枝

平齊行二首

烽塵昔起薊北門河南地屬平盧軍貂裘代馬繞東岳嶧陽  
孤桐削爲角地形十二虜意驕恩澤含容厯四朝魯人皆解  
帶弓箭齊人不復聞簫韶今朝天子聖神武手握元符平九  
土初哀狂童襲故事文告不來方振怒去秋下詔誅東平官  
軍四合猶嬰城春來羣鳥噪且驚氣如壞山墮其庭牙門大  
將有劉生夜半射落撓搶星帳中虜血流滿地門外三軍舞  
連臂驛騎函首過黃河城中無賊天氣和朝廷侍郎來慰撫  
耕夫滿野行人歌

泰山沈寇六十年旅祭不享生愁煙今逢聖君欲封禪神使  
陰兵來助戰妖氛埽盡河水清日觀杲杲卿雲見開元皇帝  
東封時百神受職爭奔馳千鈞猛簾順流下洪波涵淡浮熊

言山房集卷十二  
三  
罷侍臣燕公秉文筆玉檢告天無媿詞當今睿孫承聖祖岳  
神望幸河宗舞青門大道屬車塵共待歲蕤翠華舉

送裴處士應制舉詩

并引

晉人裴昌禹讀書數千卷於周官小戴禮尤邃性是  
古敢言雖侯王不能卑下故與世相參差凡抵有位  
以索合行天下幾遍常歎諸侯莫可遊欲一見天子  
而未有路會今年詔書徵賢良昌禹大喜以爲可以  
盡豁平生搏髀躍曰一觀雲龍庭足矣繇是裹三月  
糧而西徂咨予以七言爲遊之資藉耳

裴生久在風塵裏氣勁言高少知己注書曾學鄭司農歷國  
多於孔夫子往年訪我到連州無窮絕境終日遊登山雨中

試蠟屐入洞夏裏披貂裘白帝城邊又相遇歛翼三年不飛  
去忽然結束如秋蓬自稱對策明光宮人言策中說何事掉  
頭不答看飛鴻彤庭翠松迎曉日鳳銜金榜雲間出中貴腰  
鞭立傾酒宰臣委佩觀搖筆古稱射策如彎弧一發偶中何  
時無由來草澤無忌諱弩力滿挽當亨衢憶得當年識君處  
嘉禾驛後聯牆住垂鉤釣得王餘魚踏芳共登蘇小墓此事  
今同夢想間相看一笑且開顏老大希逢舊鄰里爲君扶病  
到方山

三鄉驛樓伏覩元宗望女几山詩小臣斐然有感

開元天子萬事足唯惜當時光景促三鄉陌上望仙山歸作  
霓裳羽衣曲仙心從此在瑤池三清八景相追隨天上忽乘

白雲去世間空有秋風詞

城西行

城西簇簇三叛族叛者爲誰蔡吳蜀中使提刀出禁來九衢  
車馬轟如雷臨刑與酒杯未覆讐家白官先請肉守吏能然  
董卓臍飢鳥來覘桓元目城西人散泰階平雨洗血痕春草  
生

西山蘭若試茶歌

山僧後檐茶數叢春來映竹抽新茸宛然爲客振衣起自傍  
芳叢摘鷹觜斯須炒成滿室香便酌砌下金沙水驟雨松聲  
入鼎來白雲滿盃花徘徊悠揚噴鼻宿醒散清峭徹骨煩襟  
開陽崖陰嶺各殊氣未若竹下莓苔地炎帝雖嘗未解煎桐

君有錄那知味新芽連拳半未舒自摘至煎俄頃餘木蘭霑  
露香微似瑤草臨波色不如僧言靈味宜幽寂采采翹英爲  
嘉客不辭緘封寄郡齋輒并銅爐損標格何況蒙山顧渚春  
白泥赤印走風塵欲知花乳清冷味須是眠雲跂石人

百舌吟

曉星寥落春雲低初聞百舌間關啼花樹滿空迷處所搖動  
繁英墜紅雨笙簧百轉音韻多黃鸝吞聲燕無語東方朝日  
遲遲升迎風弄景如自矜數聲不盡又飛去何許相逢綠楊  
路綿蠻宛轉似娛人一心百舌何紛紛酡顏俠少停歌聽墜  
珥妖姬和睡聞可憐光景何時盡誰能低回避鷹隼廷尉張  
羅自不關潘郎挾彈無情損天生羽族爾何微舌端萬變乘

春暉南方朱鳥一朝見索漠無言蒿下飛

平蔡州三首

蔡州城中眾心死妖星夜落照壕水漢家飛將下天來馬箠  
一揮門洞開賊徒崩騰望旗拜有若羣蟄驚春雷狂童面縛  
登檻車太白天嬌垂捷書相公從容來鎮撫常侍郊迎負文  
弩西人歸業閭里閑小兒跳浪健兒舞

汝南晨雞喔喔鳴城頭鼓角音和平路傍老人憶舊事相與  
感激皆涕零老人收泣前致辭官軍入城人不知忽驚元和  
十二載重見天寶承平時

九衢車馬渾渾流使臣來獻淮西囚四夷聞風失匕筋天子  
受賀登高樓妖童擢髮不足數血污城西一抔土南峯無火

楚澤閑夜行不鎖穆陵關策勳禮畢天下泰猛士按劒看恆山

觀棋歌送儼師西遊

長沙男子東林師閑讀藝經工奕棋有時凝思如入定暗覆一局誰能知今年訪予來小桂方袍袖中貯新勢山人無事秋日長白晝懵懵眠匡牀因君臨局看鬪智不覺遲景沈西牆自從仙人遇樵子直到開元王長史前身後身付餘習百變千化無窮已初疑磊落曙天星次見搏擊三秋兵鴈行布陳眾未曉虎穴得子人皆驚行盡三湘不逢敵終日饒人損機格自言臺閣有知音悠然遠起西遊心商山夏木陰寂寂好處徘徊駐飛錫忽思爭道畫平沙獨笑無言心有適藹藹

京城在九天貴游豪士足華筵此時一行出人意睹取聲名  
不要錢

望遠曲

孟郊

朝朝候歸信日日登高臺行人未去植庭梅別來三見庭花  
開庭花開盡復幾時春光駘蕩阻佳期愁來望遠煙塵隔空  
憐綠鬢風吹白何當歸見遠行客

有所思

盧仝

當時我醉美人家美人顏色嬌如花今日美人棄我去青樓  
珠箔天之涯天涯娟娟姮娥月三五二八盈又缺翠眉蟬鬢  
生別離一望不見心斷絕心斷絕幾千里夢中醉臥巫山雲  
覺來淚滴湘江水湘江兩岸花木深美人不見愁人心含愁

更奏綠綺琴調高弦絕無知音美人兮美人不知爲暮雨兮  
爲朝雲相思一夜梅花發忽到窗前疑是君

李憑箏篴引

李賀

吳絲蜀桐張高秋空白凝雲頽不流江娥啼竹素女愁李憑  
中國彈箏篴昆山玉碎鳳凰叫芙蓉泣露香蘭笑十二門前  
融冷光二十三絲動紫皇女媧鍊石補天處石破天驚逗秋  
雨夢入坤山教神嫗老魚跳波瘦蛟舞吳質不眠倚桂樹露  
腳斜飛溼寒兔

雁門太守行

黑雲壓城城欲摧甲光向日金鱗開角聲滿天秋色裏塞上  
燕脂凝夜紫半卷紅旗臨易水霜重鼓寒聲不起報君黃金

臺上意提攜玉龍爲君死

天上謠

天河夜轉漂迴星銀浦流雲學水聲玉宮桂樹花未落仙妾  
採香垂珮纓秦妃卷簾北窗曉窗前植桐青鳳小王子吹笙  
鸞管長呼龍耕煙種瑤草粉霞紅綬藕絲裙青州步拾蘭茗  
春東指羲和能走馬海塵新生石山下

金銅仙人辭漢歌

并序

魏明帝青龍元年八月詔宮官牽車西取漢孝武捧  
露盤仙人欲立置前殿宮官旣拆盤仙人臨載乃潛  
然淚下唐諸王孫李長吉遂作金銅仙人辭漢歌

茂陵劉郎秋風客夜聞馬嘶曉無跡畫欄桂樹懸秋香三十

六宮土花碧魏官牽車指千里東關酸風射眸子空將漢月  
出宮門憶君清淚如鉛水衰蘭送客咸陽道天若有情天亦  
老攜盤獨出月荒涼渭城已遠波聲小

致酒行

零落棲遲一杯酒主人奉觴客長壽主父西游困不歸家人  
折斷門前柳吾聞馬周昔作新豐客天荒地老無人識空將  
牋上兩行書直犯龍顏請恩澤我有迷魂招不得雄雞一聲  
天下白少年心事當拏雲誰念幽寒坐鳴呃

秦宮詩

并序

漢人秦宮將軍梁冀之嬖奴也秦宮得寵內舍故以  
驕名大譟於人予撫舊而作長辭以馮子都之事相

爲對望又云昔有之詩

越羅衫袂迎春風玉刻麒麟腰帶紅樓頭曲宴仙人語帳底  
吹笙香霧濃人間酒暖春茫茫花枝入簾白日長飛窗複道  
傳籌飲十夜銅盤膩燭黃禿矜小袖調鸚鵡紫繡麻報踏哮  
同虎斫桂燒金待曉筵白鹿青蘇夜半煮桐英永巷騎新馬  
內屋深屏生色畫開門爛用水衡錢卷起黃河向身瀉皇天  
厄運猶會裂秦宮一生花底活鸞篋奪得不還人醉睡氍毹  
滿堂月

高軒過

華裾織翠青如蔥金環壓轡搖玲瓏馬蹄隱耳聲隆隆入門  
下馬氣如虹云是東京才子文章鉅公二十八宿羅心胸元

精耿耿貫當中殿前作賦聲摩空筆補造化天無功龐眉書  
客感秋蓬誰知死草生華風我今垂翅附冥鴻他日不差蛇  
作龍

神弦曲

西山日落東山昏旋風吹馬馬踏雲畫弦素管聲淺繁花裙  
綵縹步秋塵桂葉刷風桂墜子青狸哭血寒狐死古壁彩虬  
金帖尾雨工騎入秋潭水百年老鴟成木魅嘯聲碧火巢中  
起

將進酒

琉璃鍾琥珀濃小槽酒滴眞珠紅烹龍炮鳳玉脂泣羅屏繡  
幕圍香風吹龍笛擊鼉鼓皓齒歌細腰舞況是青春日將暮

言山房集卷二  
九  
桃花亂落如紅雨勸君終日酩酊醉酒不到劉伶墳上土

美人梳頭歌

西施曉夢綃帳寒香鬟墮髻半沈檀轆轤咿啞轉鳴玉驚起  
芙蓉睡新足雙鸞開鏡秋水光解鬟臨鏡立象牀一編香絲  
雲撒地玉釵落處無聲膩纖手卻盤老鴝色翠滑寶釵簪不  
得春風爛熳惱嬌慵十八鬟多無氣力妝成髮髻欹不斜雲  
裾數步踏雁沙背人不語向何處下階自折櫻桃花

白虎行

火鳥日暗崩騰雲秦皇虎視蒼生羣燒書滅國無暇日鑄劍  
佩玦惟將軍玉壇設醮思沖天一世二世當萬年燒丹未得  
不死藥擎舟海上尋神仙鯨魚張鬣海波沸耕人半作征夫

鬼雄豪氣猛如燄煙無人爲決天河水誰最苦今誰最苦報  
人義士深相許漸離擊筑荆卿歌荆卿把酒燕丹語劒如霜  
今膽如鐵出燕城兮望秦月天授秦封祚未移袞龍衣點荆  
卿血朱旗卓地白虎死漢皇知是真天子

有所思

去年陌上歌離曲今日君書遠遊蜀簾外花開二月風臺前  
淚滴千行竹琴心與妾腸此夜斷還續想君白馬懸鵬弓世  
間何處無春風君心未肯鎮如石妾顏不久如花紅夜殘高  
碧橫長河河上無梁空白波西風未起悲龍梭年年織素攢  
雙蛾江山迢遰無休絕淚眼看燈乍明滅自從孤館深鎖窗  
桂花幾度圓還缺鴟鴞向曉鳴森木風過池塘響叢玉白日

蕭條夢不成橋南更問仙人卜

神仙曲

碧峯海面藏靈書上帝揀作神仙居清明笑語聞空虛闕乘  
巨浪騎鯨魚春羅書字邀王母共讌紅樓最深處鶴羽衝風  
過海遲不如卻使青龍去猶疑王母不相許垂露娃鬟更傳  
語

涼州行

王建

涼州四邊沙浩浩漢家無人開舊道邊頭州縣盡胡兵將軍  
別築防秋城萬里人家皆已沒年年旌節發西京多來中國  
收婦女一半生男爲漢語蕃人舊日不耕犁相學如今種禾  
黍驅羊亦著錦爲衣爲惜氍毹裘防鬪時養蠶繰繅成疋帛那

堪繞帳作旌旗城頭山雞鳴角角洛陽家家學胡樂

促刺行

促刺復促刺水中無魚山無石少年雖嫁不得歸頭白猶著  
父母衣田邊舊宅非所有我身不及逐雞飛出門若有歸死  
處猛虎當衢向前去百年不遺踏君門在家誰喚爲新婦豈  
不見他隣舍娘嫁來常在舅姑傍

北邙行

北邙山頭少閑土盡是洛陽人舊墓舊墓人家歸葬多堆著  
黃金無買處天涯悠悠葬日促岡阪崎嶇不停轂高張素幘  
繞銘旌夜唱挽歌山下宿洛陽城北復城東魂車祖馬長相  
逢車轍廣若長安路蒿草少於松柏樹澗底盤陀石漸稀盡

向墳前作羊虎誰家石碑文字滅後人重取書年月朝朝車  
馬送葬回還起大宅與高臺

溫泉宮行

十月一日天子來青繩御路無塵埃宮前內裏湯各別每箇  
白玉芙蓉開朝元閣向山上起城繞青山龍暖水夜開金殿  
看星河宮女知更月明裏武皇得仙王母去山雞晝鳴宮中  
樹溫泉泱泱出宮流宮使年年修玉樓禁兵去盡無射獵日  
西麋鹿登城頭梨園弟子偷曲譜頭白人間教歌舞

鞦韆詞

長長絲繩紫復碧嫋嫋橫枝高百尺少年兒女重鞦韆盤巾  
結帶分兩邊身輕裙薄易生力雙手向空如鳥翼下來立定

重繫衣復畏斜風高不得傍人送上那足貴終賭鳴璫鬪自  
起回回若與高樹齊頭上寶釵從墮地眼前爭勝難爲休足  
踏平地看始愁

田家畱客

人客少能畱我屋客有新漿馬有粟遠行僮僕應苦飢新婦  
廚中炊欲熟不嫌田家破門戶蠶房新泥無風土行人但飲  
莫畏貧明府上來何苦辛丁寧回語屋中妻有客勿令兒夜  
啼雙塚直西有縣路我教丁男送君去

望夫石

望夫處江悠悠化爲石不回頭山頭日日風復雨行人歸來  
石應語

言  
山房詩卷之三  
三  
簇蠶詞

蠶欲老箔頭作繭絲皓皓場寬地高風日多不向中庭瞰蒿  
草神蠶急作莫悠揚年來爲爾祭神桑但得青天不下雨上  
無蒼蠅下無鼠新婦拜簇願繭稠女灑桃漿男打鼓三日開  
箔雪團團先將新繭送縣官已聞鄉里催織作去與誰人身  
上著

田家行

男聲欣欣女顏悅人家不怨言語別五月雖熱麥風清簷頭  
索索繰車鳴野蠶作繭人不取葉間撲撲秋蛾生麥收上場  
絹在軸的知輸得官家足不望入口復上身且免向城賣黃  
犢田家衣食無厚薄不見縣門身卽樂

去婦

新婦去年胼手足衣不暇縫蠶廢簇白頭使我憂家事還如  
夜裏燒殘燭當初爲取傍人語豈道如今自辛苦在時縱嫌  
織絹遲有絲不上鄰家機

行見月

月初生居人見月一月行月行一年十二月強半馬上看盈  
缺百年歡樂能幾何在家見少行見多不緣衣食相驅遣此  
身誰願長奔波篋中有帛倉有粟豈向天涯走碌碌家人見  
月望我歸正是道上思家時

鏡聽詞

重重摩挲嫁時鏡夫婿遠行憑鏡聽回身不遣別人知人意

丁寧鏡神聖懷中收拾雙錦帶恐畏街頭見驚怪嗟嗟際際  
下堂階獨自竈前來跪拜出門願不聞悲哀郎在任郎回不  
回月明地上人過盡好語多同皆道來卷帷上牀喜不定與  
郎裁衣失翻正可中三日得相見重繡錦囊磨鏡面

羽林行

長安惡少出名字樓下劫商樓上醉天明下直明光宮散入  
五陵松柏中百回殺人身合死赦書尙有收城功九衢一日  
消息定鄉吏籍中重改姓出來依舊屬羽林立在殿前射飛  
禽

射虎行

自去射虎得虎歸官差射虎得虎遲獨行以死當虎命兩人

因疑終不定朝朝暮暮空手回山下綠苗成道徑遠立不敢  
汚箭鏃聞死還來分虎肉惜畱猛虎著深山射殺恐畏終身  
閑

遠將歸

遠將歸勝未別離時在家相見熟新歸歡不足去願車輪遲  
回思馬蹄速但令在舍相對貧不向天涯金遶身

寄遠曲

張籍

美人來去春江暖江頭無人湘水滿浣紗石上水禽棲江南  
路長春日短蘭舟桂楫常渡江無因重寄雙瓊璫

征婦怨

九月匈奴殺邊將漢軍全沒遼水上萬里無人收白骨家家

言山房集卷三  
一四  
城下招魂葬婦人依倚子與夫同居貧賤心亦舒夫死戰場  
子在腹妾身雖存如晝燭

寄衣曲

織素縫衣獨苦辛遠因回使寄征人官家亦自寄衣去貴從  
妾手著君身高堂姑老無侍子不得自到邊城裏殷勤爲看  
初著時征夫身上宜不宜

送遠曲

戲馬臺南山簇簇山邊飲酒歌別曲行人醉後起登車席上  
回尊勸僮僕青天漫漫覆長路遠遊無家安得住願君到處  
自題名他日知君從此去

求仙行

漢皇欲作飛仙子年年採藥東海裏蓬萊無路海無邊方士  
舟中相枕死招搖在天迴白日甘泉玉樹無仙實九皇真人  
終不下空向離宮祠太乙丹田有氣凝素華君能保之昇絳  
霞

節婦吟寄東平李司空師道

君知妾有夫贈妾雙明珠感君纏綿意繫在紅羅襦妾家高  
樓連苑起良人執戟明光裏知君用心如日月事夫誓擬同  
生死還君明珠雙淚垂何不相逢未嫁時

永嘉行

黃頭鮮卑入洛陽胡兒執戟升明堂晉家天子作降虜公卿  
奔走如牛羊紫陌旌旛暗相觸家家雞犬驚上屋婦人出門

隨亂兵夫死眼前不敢哭九州諸侯自顧土無人領兵來護  
主北人避胡多在南南人至今能晉語

古釵歎

古釵墮井無顏色百尺泥中今復得鳳凰宛轉有古儀欲爲  
首飾不稱時女伴傳看不知主羅袖拂拭生光輝蘭膏已盡  
股半折雕文刻樣無年月雖離井底入匣中不用還與墜時  
同

讌客詞

上客不用顧金羈主人有酒君莫違請君看取園中花地上  
漸多枝上稀山頭樹影不見石溪水無風應更碧人人齊醉  
起舞時誰覺翻衣與倒幘明朝花盡人已去此地獨來空繞

樹

採蓮曲

秋江岸邊蓮子多採蓮女兒凭船歌青房圓實齊戢戢爭前  
競折漾微波試牽綠莖下尋藕斷處絲多刺傷手白練束腰  
袖半卷不插玉釵妝梳淺船中未滿度前洲借問阿誰家住  
遠歸時共待暮潮上自弄芙蓉還蕩槳

傷歌行

黃門詔下促收捕京兆尹繫御史府出門無復部曲隨親戚  
相逢不容語辭成謫尉南海州受命不得須臾畱身著青衫  
騎惡馬中門之外無送者郵夫防吏急誼驅往往驚墮馬蹄  
下長安里中荒大宅朱門已除十二戟高堂舞榭鎖管絃美

人遙望西南天

吳宮怨

吳宮四面秋江水江清露白芙蓉死吳王醉後欲更衣座上  
美人嬌不起宮中千門復萬戶君恩反覆誰能數君心與妾  
既不同徒向君前作歌舞茱萸滿宮紅實垂秋風嫋嫋生絲  
枝姑蘇臺上夕燕罷佗人侍寢還獨歸白日在天光在地君  
今那得長相棄

北邙行

洛陽北門北邙道喪車磷磷入秋草車前齊唱薤露歌高墳  
新起白峩峩朝朝暮暮人送葬洛陽城中人更多千金立碑  
高百尺終作誰家柱下石山頭松柏半無主地下白骨多于

土寒食家家送紙錢  
烏鳶作窠銜上樹  
人居朝市未解愁  
請君暫向北邙遊

少年行

少年從獵出長楊  
禁中新拜羽林郎  
獨對輦前射雙虎  
君王手賜黃金璫  
日日鬪雞都市裏  
贏得寶刀重刻字  
百里報仇夜出城  
平明還在娼樓醉  
遙聞虜到平陵下  
不待詔書行上馬  
斬得名王獻桂宮  
封侯起第一日中  
不爲六郡良家子  
百戰始取邊城功

白頭吟

請君膝上琴彈我  
白頭吟憶昔君前  
嬌笑語兩情宛轉  
如縈素宮中爲我  
起高樓更開花池  
種芳樹春天百草  
秋始衰棄

詩集山房集卷十二  
二  
我不待白頭時羅襦玉珥色未暗今朝已道不相宜揚州青  
銅作明鏡暗中持照不見影人心回互自無窮眼前好惡那  
能定君恩已去若再返菖蒲花開月長滿

### 將軍行

彈箏峽東有胡塵天子擇日拜將軍蓬萊殿前賜六纛還領  
禁兵爲部曲當朝受詔不辭家夜向咸陽原上宿戰車彭彭  
旌旗動三十六軍齊上隴隴頭戰勝夜亦行分兵處處收舊  
城胡兒殺盡陰磧暮擾擾唯有牛羊聲邊人親戚曾戰沒今  
逐官軍收舊骨磧西行見萬里空幕府獨奏將軍功

### 羈旅行

遠客出門行路難停車斂策在門端荒城無人霜滿路野火

燒橋不得度寒蟲入窟鳥歸巢僮僕問我誰家去行尋田頭  
暝未息雙轂長轅礙荆棘緣岡入澗投田家主人舂米爲夜  
食晨雞喔喔茅屋傍行人起掃車上霜舊山已別行已遠身  
計未成難復返長安陌上相識稀遙望天山白日晚誰能聽  
我辛苦行爲向君前歌一聲

讀雪山房唐詩卷十二終

讀雪山房唐詩卷十三 小傳四 目錄一 詩廿八

詩人小傳 十一

元 稹 字微之河南河內人幼孤母鄭賢而文親授書傳  
舉明經書判入等補校書郎元和初應制第一除  
左拾遺歷監察御史坐事貶江陵士曹參軍徙通  
州司馬自虢州長史徵爲膳部員外郎拜詞部郎  
中知制誥召入翰林爲中書舍人承旨學士進工  
部侍郎同平章事未幾罷相出爲同州刺史改越  
州刺史兼御史大夫浙東觀察使太和初入爲尙  
書左丞檢校戶部尙書兼鄂州刺史武昌軍節度  
使年五十三卒贈尙書右僕射稹自少與白居易

言言上房星言卷十三  
倡和當時言詩者稱元白號爲元和體其集與居易同名長慶今鈔七古七首五律四首七律一首五排三首五絕一首七絕六首

常楚老

長慶進士官拾遺今鈔七古一首

劉言史

邯鄲人與李賀同時歌詩美麗恢贍自賀外世莫

能比亦與孟郊友善初客鎮冀王武俊奏爲棗強令辭疾不受人因稱爲劉棗強後客漢南李夷簡署司空掾尋卒歌詩六卷今鈔七古二首七絕四首

李紳

字公垂潤州無錫人爲人短小精悍於詩最有名

時號短李元和初擢進士第補國子助教不樂輒

去李錡辟掌書記錡抗命不爲草表幾見害穆宗  
召爲右拾遺翰林學士與李德裕元稹同時號三  
俊厯中書舍人御史中丞戶部侍郎敬宗立李逢  
吉構之貶端州司馬徙江州長史遷滁壽二州刺  
史以太子賓客分司東都太和中擢浙江觀察使  
開成初遷河南尹宣武節度使武宗卽位召拜中  
書侍郎同平章事進尙書右僕射封趙郡公居位  
四年以檢校右僕射平章事節度淮南卒贈太尉  
謚文肅追昔游詩三卷雜詩一卷今鈔七古一首  
七律三首五絕一首七絕一首

施肩吾

字希聖洪州人元和十年登第隱洪州之西山爲

詩奇麗西山集十卷今鈔七古一首七絕三首

薛逢

字陶臣蒲州河東人會昌初擢進士第授爲萬年

尉直弘文館歷侍御史尙書郎出爲巴州刺史復

斥蓬州尋以太常少卿召還歷給事中遷秘書監

卒集十卷今鈔七古一首七律五首七絕一首

李廓

宰相程之子登元和進士第累官潁州刺史大中

中終武寧節度使今鈔七古一首五律一首

鄭嵎

字賓先大中五年進士第詩一首

沈傳師

字子言吳人貞元末登第歷官拾遺翰林學士中

書舍人寶歷中由尙書右丞出爲宣歙觀察使復

入爲吏部侍郎有才行工楷法今鈔七古一首

司空圖

字表聖河中虞鄉人咸通末擢進士第由宣歙幕  
歷禮部郎中僖宗行在用爲知制誥中書舍人歸  
隱中條山王官谷龍紀乾寧間徵拜舊官及以戶  
兵二部侍郎召皆不起遷洛後被詔入朝以野耄  
丐歸朱全忠受禪召爲禮部尙書不食而卒圖少  
有俊才晚年避世棲遯自號知非子耐辱居士有  
先世別墅泉石林亭頗愜幽趣日與名僧高士游  
詠其中有一鳴集三十卷內詩十卷今鈔七古一  
首五律五首七律六首五絕三首七絕七首

韋莊

字端己杜陵人見素之後疏曠不拘小節乾寧元  
年第進士授校書郎轉補闕李詢爲兩川宣諭和

詩集山房集卷十三  
三  
協使辟爲判官以中原多故潛欲依王建建辟爲  
掌書記尋召爲起居舍人建表畱之後相建爲平  
章事集二十卷今鈔七古一首五律一首七律十  
首七絕四首

鮑君徽

字文姬鮑徵君女善詩與尚宮五宋齊名德宗嘗  
召入宮與侍臣廣和賞賚甚厚今鈔七古一首

裴羽仙

無考全唐詩祇載七絕二首今鈔七古一首

許宣平

新安歛人景雲中隱城陽山南塢結庵以居時或  
負薪賣擔挂一花瓠及曲竹杖每醉拄之以歸嘗  
於同華間題詩傳舍李白東游覽之曰此仙詩也  
及新安累訪之不得後咸通七年郡人許明奴家

有嫗入山採樵見一人坐石上食桃甚大自稱明  
奴之祖卽宣平也與一桃食嫗嫗後卻食輕健入  
山不歸今鈔七古一首五律一首



讀雪山房唐詩卷十三

七古目錄六

白居易十七首

元稹七首

鮑溶溶一首

常楚老一首

劉言史二首

李紳一首

施肩吾一首

薛逢一首

李廓一首

李商隱二首

溫庭筠三首

鄭嵎一首

沈傳師一首

司空圖一首

韋莊一首

陸龜蒙一首

鮑君徽一首

李治一首

裴羽仙一首

許宣平一首

江州府志

卷之三

江州府志

卷之三

卷之三

江州府志

卷之三

卷之三

江州府志

卷之三

卷之三

江州府志

卷之三

卷之三

江州府志

卷之三

卷之三

江州府志

卷之三

卷之三

江州府志

卷之三

卷之三

江州府志

卷之三

卷之三

讀雪山房唐詩卷十三

七古 六

七德舞

美撥亂陳王業也

白居易

七德舞七德歌傳自武德至元和元和  
小臣白居易觀舞聽歌知樂意樂終稽首陳其事  
太宗十八舉義兵白旄黃鉞定兩京擒充戮竇  
四海清二十有四功業成二十有九卽帝位三十  
有五致太平功成理定何神速速在推心置人腹  
亡卒遺骸散帛收饑人賣子分金贖魏徵夢見子  
夜泣張謹哀聞辰日哭怨女三千放出宮死囚  
四百來歸獄翦鬚燒藥賜功臣李勣鳴咽思殺身  
含血吮創撫戰士思摩奮呼乞効死則知不獨善  
戰善乘時以心感人人人心歸爾來一百九十載天

下至今歌舞之歌七德舞七德聖人有作垂無極豈徒耀神  
武豈徒誇聖文太宗意在陳王業王業艱難示子孫

海漫漫 戒求仙也

海漫漫直下無底傍無邊雲濤煙浪最深處人傳中有三神  
山山上多生不死藥服之羽化爲天仙秦皇漢武信此語方  
士年年採藥去蓬萊今古但聞名煙水茫茫無覓處海漫漫  
風浩浩眼穿不見蓬萊島不見蓬萊不敢歸童男艸女舟中  
老徐福文成多誑誕上元太一虛祈禱君看驪山頂上茂陵  
頭畢竟悲風吹蔓草何況元元聖祖五千言不言藥不言仙  
不言白日升青天

華原磬 刺樂工非其人也

華原磬華原磬古人不聽今人聽泗濱石泗濱石今人不擊  
古人擊今人古人何不同用之舍之由樂工樂工雖在耳如  
壁不分清濁卽爲龔梨園弟子調律呂知有新聲不知古古  
稱浮磬出泗濱立辨致死聲感人宮懸一聽華原石君心遂  
忘封疆臣果然胡寇從燕起武臣少肯封疆死始知樂與時  
政通豈聽鏗鏘而已矣磬襄入海去不歸長安市兒爲樂師  
華原磬與泗濱石清濁兩聲誰得知

胡旋女 戒近習也

胡旋女胡旋女心應絃手應鼓絃鼓一聲雙袖舉迴雪飄飄  
轉蓬舞左旋右轉不知疲千匝萬周無已時人間物類無可  
比奔車輪緩旋風遲曲終再拜謝天子天子爲之微啓齒胡

旋女出康居徒勞東來萬里餘中原自有胡旋者鬪妙爭能  
爾不如天寶季年時欲變臣妾人人學圓轉中有太真外祿  
山二人最道能胡旋梨花園中冊作妃金雞障下養爲兒祿  
山胡旋迷君眼兵過黃河疑未反貴妃胡旋惑君心死棄馬  
嵬念更深從茲地軸天維轉五十年來制不禁胡旋女莫空  
舞數唱此歌悟明主

新豐折臂翁 戒邊功也

新豐老翁八十八頭髮眉鬚皆似雪元孫扶向店前行左臂  
憑肩右臂折問翁臂折來幾年兼問致折何因緣翁云貫屬  
新豐縣生逢聖代無征戰慣聽梨園歌管聲不識旗槍與弓  
箭無何天寶大徵兵戶有三丁點一丁點得驅將何處去五

月萬里雲南行聞道雲南有瀘水椒花落時瘴煙起大軍徒  
涉水如湯未過十人二三死村南村北哭聲哀兒別爺娘夫  
別妻皆云前後征蠻者千萬人行無一迴是時翁年二十四  
兵部牒中有名字夜深不敢使人知偷將大石撻折臂張弓  
簸旗俱不堪從茲始免征雲南骨碎筋傷非不苦且圖揀退  
歸鄉土此臂折來六十年一肢雖廢一身全至今風雨陰寒  
夜直到天明痛不眠痛不眠終不悔且喜老身今獨在不然  
當時瀘水頭身死魂孤骨不收應作雲南望鄉鬼萬人冢上  
哭呦呦老人言君聽取君不聞開元宰相宋開府不賞邊功  
防黷武又不聞天寶宰相楊國忠欲求恩幸立邊功邊功未  
立生人怨請問新豐折臂翁

太行路 借夫婦以諷君臣之不終也

太行之路能推車若比人心是坦途巫峽之水能覆舟若比人心是安流人心好惡苦不常好生毛羽惡生瘡與君結髮未五載豈期牛女爲參商古稱色衰相棄背當時美人猶怨悔何況如今鸞鏡中妾顏未改君心改爲君熏衣裳君聞蘭麝不馨香爲君盛容飾君看金翠無顏色行路難難重陳人生莫作婦人身百年苦樂由他人行路難難於山險於水不獨人間夫與妻近代君臣亦如此君不見左納言右納史朝承恩暮賜死行路難不在水不在山只在人情反覆間

城鹽州 善聖謨而誚邊將也

城鹽州城鹽州城在五原原上頭蕃東節度鉢闡布忽見新

城當要路金鳥飛傳贊普聞建牙傳箭集羣臣君臣頽面有  
憂色皆言勿謂唐無人自築鹽州十餘載左衽氊裘不犯塞  
晝牧牛羊夜捉生長去新城百里外諸邊急警勞戍人惟此  
一道無煙塵靈夏潛安誰復辦秦原暗通何處見鄜州驛路  
好馬來長安藥肆黃著賤城鹽州鹽州未城天子憂德宗按  
圖自定計非關將略與廟謀吾聞高宗中宗世北虜猖狂最  
難制韓公創築受降城三城鼎峙屯漢兵東西亘絕數千里  
耳冷不聞胡馬聲如今邊將非無策心笑韓公築城壁相看  
養寇爲身謀各握強兵固恩澤願分今日邊將恩褒贈韓公  
封子孫誰能將此鹽州曲翻作歌詩聞至尊

道州民 美臣遇明主也

道州民多侏儒長者不過三尺餘市作矮奴年進送號爲道  
州任土貢任土貢寧若斯不聞使人生別離老翁哭孫母哭  
兒一自陽城來守郡不進矮奴頻詔問城云臣按六典書任  
土貢有不貢無道州水土所生者只有矮民無矮奴吾君感  
悟璽書下歲貢矮奴宜悉罷道州民老者幼者何欣欣父兄  
子弟始相保從此得作良人身道州民民到於今受其賜欲  
說使君先下淚仍恐兒孫忘使君生男多以陽爲字

百鍊鏡 辨皇王鑒也

百鍊鏡鎔範非常規日辰處所靈且祇江心波上舟中鑄五  
月五日日午時瓊粉金膏磨瑩已化爲一片秋潭水鏡成將  
獻蓬萊宮揚州長吏手自封人間臣妾不合照背有九五飛

天龍人人呼爲天子鏡我有一言聞太宗太宗常以人爲鏡  
鑒古鑒今不鑒容四海安危居掌內百王治亂懸心中乃知  
天子別有鏡不是揚州百鍊銅

青石 激忠烈也

青石出自藍田山兼車運載來長安工人磨琢欲何用石不  
能言我代言不願作人家墓前神道碣墳土未乾名已滅不  
願作官家道旁德政碑不鐫實錄鐫虛辭願爲顏氏段氏碑  
雕鏤太尉與太師刻此兩片堅貞質狀彼二人忠烈姿義心  
如石屹不轉死節如石確不移如觀奮擊朱泚日似見叱訶  
希烈時各於其上題名諡一置高山一沈水陵谷雖遷碑獨  
存骨化爲塵名不死長使不忠不烈臣觀碑改節慕爲人慕

爲人勸事君

賣炭翁 苦官市也

賣炭翁伐薪燒炭南山中滿面塵灰煙火色兩鬢蒼蒼十指  
黑賣炭得錢何所營身上衣裳口中食可憐身上衣正單心  
憂炭賤願天寒夜來城上一尺雪曉駕炭車輾冰轍牛困人  
饑日已高市南門外泥中歇翩翩兩騎來是誰黃衣使者白  
衫兒手把文書口稱敕迴車叱牛牽向北一車炭重千餘斤  
官使驅將惜不得半匹紅紗一丈綾繫向牛頭充炭直

井底引銀餅 止淫奔也

井底引銀餅銀餅欲上絲繩絕石上磨玉簪玉簪欲成中央  
折餅沈簪折知奈何似妾今朝與君別憶昔在家爲女時人

言舉動有殊姿嬋娟兩鬢秋蟬翼宛轉雙蛾遠山色笑隨戲  
伴後園中此時與君未相識妾弄青梅憑短牆君騎白馬傍  
垂楊牆頭馬上遙相顧一見知君卽斷腸知君斷腸共君語  
君指南山松柏樹感君松柏化爲心闇合雙鬟逐君去到君  
家舍五六年君家大人頻有言聘則爲妻奔則妾不堪主祀  
奉蘋蘩終知君家不可住其奈出門無去處豈無父母在高  
堂亦有親情滿故鄉潛來更不通消息今日悲羞歸不得爲  
君一日恩誤妾百年身寄信癡小人家女慎勿將身輕許人

紫毫筆 譏失職也

紫毫筆尖如錐兮利如刀江南石上有老兔喫竹飲泉生紫  
毛宣城工人采爲筆千萬毛中揀一毫毫雖輕功甚重管勒

工名充歲貢君今臣兮勿輕用勿輕用將何如願賜東西府  
御史願頌左右臺起居擗管趨入黃金闕抽毫立在白玉除  
臣有奸邪正衙奏君有動言直筆書起居郎侍御史爾知紫  
毫不易致每歲宣城進筆時紫毫之價如金貴慎勿空將彈  
失儀慎勿空將錄制詞

畫竹歌

并序

協律郎蕭悅善畫竹舉時無倫蕭亦甚自秘重有終  
歲求其一竿一枝而不得者知予天與好事忽寫一  
十五竿惠然見投予厚其意高其藝無以答貺作歌  
以報凡一百八十六字

植物之中竹難寫古今雖畫無似者蕭郎下筆獨逼真丹青

以來唯一人人畫竹身肥擁腫蕭畫莖瘦節節竦人畫竹稍  
死羸垂蕭畫枝活葉葉動不根而生從意生不筭而成由筆  
成野塘水邊碕岸側森森兩叢十五莖嬋娟不失筠粉態蕭  
颯盡得風煙情舉頭忽看不似畫低耳靜聽疑有聲西叢七  
莖勁而健省向天竺寺前石上見東叢八莖疏且寒憶曾湘  
妃廟裏雨中看幽姿遠思少人別與君相顧空長歎蕭郎蕭  
郎老可惜手顫眼昏頭雪色自言便是絕筆時從今此竹尤  
難得

長恨歌

漢皇重色思傾國御宇多年求不得楊家有女初長成養在  
深閨人未識天生麗質難自棄一朝選在君王側回眸一笑

百媚生六宮粉黛無顏色春寒賜浴華清池溫泉水滑洗凝  
脂侍兒扶起嬌無力始是新承恩澤時雲鬢花顏金步搖芙  
蓉帳暖度春宵春宵苦短日高起從此君王不早朝承歡侍  
宴無閒暇春從春遊夜專夜後宮佳麗三千人三千寵愛在  
一身金屋妝成嬌侍夜玉樓宴罷醉和春姊妹弟兄皆列土  
可憐光彩生門戶遂令天下父母心不重生男重生女驪宮  
高處入青雲仙樂風飄處處聞緩歌慢舞凝絲竹盡日君王  
看不足漁陽鞞鼓動地來驚破霓裳羽衣曲九重城闕煙塵  
生千乘萬騎西南行翠華搖搖行復止西出都門百餘里六  
軍不發無奈何宛轉蛾眉馬前死花鈿委地無人收翠翹金  
雀玉搔頭君王掩面救不得回看血淚相和流黃埃散漫風

蕭索雲棧縈紆登劒閣峨嵋山下少人行旌旗無光日色薄  
蜀江水碧蜀山青聖主朝朝暮暮情行宮見月傷心色夜雨  
聞鈴腸斷聲天旋日轉迴龍馭到此躊躇不能去馬嵬坡下  
泥土中不見玉顏空死處君臣相顧盡沾衣東望都門信馬  
歸歸來池苑皆依舊太液芙蓉未央柳芙蓉如面柳如眉對  
此如何不淚垂春風桃李花開夜秋雨梧桐葉落時西宮南  
苑多秋草落葉滿階紅不埽梨園子弟白髮新椒房阿監青  
娥老夕殿螢飛思悄然孤燈挑盡未成眠遲遲鐘鼓初長夜  
耿耿星河欲曙天鴛鴦瓦冷霜華重翡翠衾寒誰與共悠悠  
生死別經年魂魄不曾來入夢臨邛道士鴻都客能以精誠  
致魂魄爲感君王展轉思遂教方士殷勤覓排空馭氣奔如

電升天入地求之徧上窮碧落下黃泉兩處茫茫皆不見忽  
聞海上有仙山山在虛無縹緲間樓閣玲瓏五雲起其中綽  
約多仙子中有一人字太真雪膚花貌參差是金闕西廂叩  
玉扃轉教小玉報雙成聞道漢家天子使九華帳裏夢魂驚  
攬衣推枕起裴回珠箔銀屏邈迤開雲鬢半徧新睡覺花冠  
不整下堂來風吹仙袂飄飄舉猶似霓裳羽衣舞玉容寂寞  
淚闌干梨花一枝春帶雨含情凝睇謝君王一別音容兩渺  
茫昭陽殿裏恩愛絕蓬萊宮中日月長回頭下望人寰處不  
見長安見塵霧唯將舊物表深情鈿合金釵寄將去釵畱一  
股合一扇釵擘黃金合分鈿但教心似金鈿堅天上人間會  
相見臨別殷勤重寄詞詞中有誓兩心知七月七日長生殿

夜半無人私語時在天願作比翼鳥在地願爲連理枝天長地久有時盡此恨綿綿無絕期

琵琶引 并序

元和十年予左遷九江郡司馬明年秋送客湓浦口聞船中夜彈琵琶者聽其音錚錚然有京都聲問其人本長安倡女嘗學琵琶於穆曹二善才年長色衰委身爲賈人婦遂命酒使快彈數曲曲罷憫默自敘少小時歡樂事今漂淪顛顛轉徙於江湖間予出官二年恬然自安感斯人言是夕始覺有遷謫意因爲長句歌以贈之凡六百一十二言命之曰琵琶行

潯陽江頭夜送客楓葉荻花秋瑟瑟主人下馬客在船舉酒

欲飲無管絃醉不成歡慘將別別時茫茫江浸月忽聞水上  
琵琶聲主人忘歸客不發尋聲暗問彈者誰琵琶聲停欲語  
遲移船相近邀相見添酒迴燈重開宴千呼萬喚始出來猶  
抱琵琶半遮面轉軸撥絃三兩聲未成曲調先有情絃絃掩  
抑聲聲思似訴生平不得意低眉信手續續彈說盡心中無  
限事輕攏慢撚抹復挑初爲霓裳後六么大絃嘈嘈如急雨  
小絃切切如私語嘈嘈切切錯雜彈大珠小珠落玉盤間關  
鶯語花底滑幽咽泉流水下灘水泉冷澀絃凝絕凝絕不通  
聲暫歇別有幽愁暗恨生此時無聲勝有聲銀燭乍破水漿  
迸鐵騎突出刀槍鳴曲終收撥當心畫四絃一聲如裂帛東  
舟西舫悄無言唯見江心秋月白沈吟放撥插絃中整頓衣

裳起歛容自言本是京城女家在蝦蟆陵下住十三學得琵琶成名屬教坊第一部曲罷曾教善才服妝成每被秋娘妬五陵年少爭纏頭一曲紅綃不知數鈿頭雲篦擊節碎血色羅裙翻酒汙今年歡笑復明年秋月春風等閑度弟走從軍阿姨死暮去朝來顏色故門前冷落車馬稀老大嫁作商人婦商人重利輕別離前月浮梁買茶去去來江口守空船繞船明月江水寒夜深忽夢少年事夢啼妝淚紅闌干我聞琵琶已歎息又聞此語重唧唧同是天涯淪落人相逢何必曾相識我從去年辭帝京謫居臥病潯陽城潯陽地僻無音樂終歲不聞絲竹聲住近湓江地低濕黃蘆苦竹繞宅生其間旦暮聞何物杜鵑啼血猿哀鳴春江花朝秋月夜往往取酒

還獨傾豈無山歌與村笛嘔啞嘲哢難爲聽今夜聞君琵琶  
語如聽仙樂耳暫明莫辭更坐彈一曲爲君翻作琵琶行感  
我此言良久立卻坐促絃絃轉急淒淒不似向前聲滿座重  
聞皆掩泣座中泣下誰最多江州司馬青衫濕

醉後狂言酬贈蕭殷二協律

餘杭邑客多羈貧其間甚者蕭與殷天寒身上猶衣葛日高  
甌中未拂塵江城山寺十一月北風吹沙雪紛紛賓客不見  
綈袍惠黎庶未霑襦袴恩此時太守自慙媿重衣複衾有餘  
溫因命染人與鍼女先製兩裘贈二君吳綿細軟桂布密柔  
如狐腋白似雲勞將詩書投贈我如此小惠何足論我有大  
裘君未見寬廣和暖如陽春此裘非繒亦非纈裁以法度絮

以仁刀尺鈍拙製未畢出亦不獨裹一身若令在郡得五考  
與君展覆杭州人

冬白紵

元稹

吳宮夜長宮漏款簾幕四垂燈燄燄西施自舞王自管雪紵  
翻翻鶴翎散促節牽繁舞腰嬾舞腰嬾王罷飲蓋覆西施鳳  
花錦身作匡牀臂爲枕朝珮縱玉王宴寢寢醒聞報門無事  
子胥死後言爲諱近王之臣諭王意共笑越王窮惴惴夜夜  
抱冰寒不睡

將進酒

將進酒將進酒酒中有毒醢主父言之主父傷主母母爲妾  
地父妾天仰天俯地不忍言陽爲僵踣主父前主父不知加

妾鞭旁人知妾爲主說主將淚洗鞭頭血推椎主母牽下堂  
扶妾遣升堂上牀將進酒酒中無毒令主壽願主迴恩歸主  
母

田家詞

牛吒吒田确确旱塊敲牛蹄趵趵音剝種得官倉珠顆穀六十  
年來兵簇簇月月食糧車轆轤一日官軍收海服驅牛駕車  
食牛肉歸來收得牛兩角重鑄鋤犁作斤劖姑舂婦擔去輸  
官輸官不足歸賣屋願官早勝讎早復農死有兒牛有犢不  
遣官軍糧不足

苦樂相倚曲

古來苦樂之相倚近於掌上之十指君心半夜猜恨生荆棘

滿懷天未明漢成眼瞥飛燕時可憐班女恩已衰未有因由  
相決絕猶得半年佯暖熱轉將深意諭旁人緝綴瑕疵遣潛  
說一朝詔下辭金屋班姬自痛何倉卒呼天撫地將自明不  
悟尋時暗銷骨白首宮人前再拜願將日月相輝解苦樂相  
尋晝夜間燈光那有天明在主今被奪心應苦妾奪深恩初  
爲主欲知妾意恨主時主今爲妾思量取班姬收淚抱妾身  
我曾排擯無限人

連昌宮詞

連昌宮中滿宮竹歲久無人森似束又有牆頭千葉桃風動  
落花紅款款宮邊老翁爲余泣小年進食曾因入上皇正在  
望仙樓太真同凭闌干立樓上樓前盡珠翠炫轉熒煌照天

地歸來如夢復如癡何暇備言宮裏事初過寒日一百六店  
舍無煙宮樹綠夜半月高絃索鳴賀老琵琶定場屋力士傳  
呼覓念奴念奴潛伴諸郎宿須臾覓得又連催特敕街中許  
燃燭春嬌滿眼睡紅綃掠削雲鬟旋裝束飛上九天歌一聲  
二十五郎吹管逐逡巡大徧涼州徹色色龜茲轟錄續李暮  
壓笛傍宮牆偷得新翻數般曲平明大駕發行宮萬人歌舞  
塗路中百官隊仗避岐薛楊氏諸姨車鬪風明年十月東都  
破御路猶存祿山過驅令供頓不敢藏萬姓無聲淚潛墮兩  
京定後六七年卻尋家舍行宮前莊園燒盡有枯井行宮門  
閉樹宛然爾後相傳六皇帝不到離宮門久閉往來年少說  
長安元武樓成花萼廢去年敕使因斫竹偶值門開暫相逐

荆榛櫛比塞池塘狐兔驕癡緣樹木舞榭欹傾基尙存文窗  
窈窕紗猶綠塵埋粉壁舊花鈿鳥啄風箏碎珠玉上皇偏愛  
臨砌花依然御榻臨階斜蛇出燕巢盤鬪棋茵生香案正當  
衙寢殿相連端正樓太真梳洗樓上頭晨光未出簾影黑至  
今反挂珊瑚鉤指示傍人因慟哭卻出宮門淚相續自從此  
後還閉門夜夜狐狸上門屋我聞此語心骨悲太平誰致亂  
者誰翁言野父何分別耳聞眼見爲君說姚崇宋璟作相公  
勸諫上皇言語切變理陰陽禾黍豐調和中外無兵戎長官  
清平太守好揀選皆言由至公開元之末姚宋死朝廷漸漸  
由妃子祿山宮裏養作兒虢國門前鬧如市弄權宰相不記  
名依稀憶得楊與李廟謨顛倒四海搖五十年來作瘡痂今

皇神聖丞相明詔書纔下吳蜀平官軍又取淮西賊此賊亦  
除天下寧年年耕種宮前道今年不遣子孫耕老翁此意深  
望幸努力廟謨休用兵

望雲騅馬歌

并序

德宗皇帝以八馬幸蜀七馬道斃唯望雲騅來往不  
頓貞元中老死天廐臣稹作歌以記之

憶昔先皇幸蜀時八馬入谷七馬疲肉綻筋攣四蹄脫七馬  
死盡無馬騎天子蒙塵天雨泣巉岵道路淋漓濕崢嶸白草  
眇難期諗洞黃泉安可入朱泚圍兵抽未盡懷光寇騎追行  
及嬪娥相顧倚樹啼鵷鷺無聲仰天立圉人初進望雲騅彩  
色顚頽眾馬欺上前噴吼如有意耳尖卓立節踣奇君王試

遣迴胸臆撮骨鋸牙駢兩脅蹄懸四跼腦顙方勝聳三山尾  
株直圉人畏誚仍相惑此馬無良空有力頻頻嚙掣轡難施  
往往跳趨鞍不得色沮聲悲仰天訴天不遣言君未識亞身  
受取白玉羈開口銜將紫金勒君王自此方敢騎似遇良臣  
久悽惻龍騰魚鼈倬然驚驥盼驢騾少顏色七聖心迷運方  
厄五丁力盡路猶窄橐它山上斧刃堆望秦嶺下錐頭石五  
六百里真符縣八十四盤青山驛掣開流電有輝光突過浮  
雲無朕跡地平險盡施黃屋九九屬車十二纛齊映前導引  
騅頭嚴震迎號抱騅足路傍垂白天寶民望騅禮拜見騅哭  
皆言元宗當時無此馬不免騎騾來幸蜀雄雄猛將李令公  
收城殺賊豺狼空天旋地轉日再中天子卻坐明光宮朝廷

無事忘征戰校獵朝迴暮毬宴御馬齊登擬用槽君王自試  
宣徽殿畱人還進望雲騅性强步闊無方便分驥擺仗頭太  
高擘肘迴頭項難轉人人共惡難迴跋潛遣飛龍減芻秣銀  
鞍繡韉不復施空盡天年御槽活當時鄒諺已有言莫倚功  
高浪開闊登山縱似望雲騅平地須饒紅叱撥長安三月花  
垂草果下翩翩紫驪好千官煖熱李令閑百馬生惇望雲老  
望雲騅爾之種類世世奇當時項王乘爾祖分配英豪稱霸  
主爾身今日逢聖人從幸巴渝歸入秦功成事遂身退天之  
道何必隨羣逐隊到死蹋紅塵望雲騅用與不用各有時爾  
勿悲

上陽白髮人

天寶年中花鳥使撩花掠鳥含春思滿懷墨詔求嬪御走上  
高樓半酣醉醉酣直入卿士家閨闈不得偷迴避良人顧妾  
心死別小女呼爺血垂淚十中有一得更衣永配深宮作宮  
婢御馬南奔胡馬蹙宮女三千合宮棄宮門一閉不復開上  
陽花草青苔地月夜閑聞洛水聲秋池暗度風荷氣日日長  
看提眾門終身不見門前事近年又送數人來自言興慶南  
宮至我悲此曲將徹骨更想深冤復酸鼻此輩賤嬪何足言  
帝子王孫古稱貴諸王在閣四十年七宅六宮門戶閉隋煬  
枝條襲封邑肅宗血允無官位王無妃媵主無媚陽亢陰淫  
結哭累何如決壅順眾流女遣從夫男作吏

辭輦行

鮑溶

漢家代久淳風薄帝重微行極荒樂青蛾三千奉一人班女  
不以色事君朝停玉輦召同載三十六宮皆盼睐不驚六馬  
緩天儀從容鳴環前致詞君恩如海深難竭妾命如絲輕易  
絕願陪阿母同小星敢使太陽齊萬物周末幽王不可宗妾  
聞上聖遺休風五更三老侍白日八十一女居深宮願將輦  
內有餘席迴賜忠臣近恩澤一時節義動賢君千年名姓香  
氛氲漸臺水死何傷聞

祖龍行

常楚老

黑雲兵氣射天裂壯士朝眠夢冤結祖龍一夜死沙邱胡亥  
空隨鮑魚轍腐肉偷生三千里僞書先賜扶蘇死墓接驪山  
土未乾瑞光已向芒碭起陳勝城中鼓三下秦家天地如崩

瓦龍蛇撩亂入咸陽少帝空隨漢家馬

觀繩妓

劉言史

秦陵遺樂何最珍綵繩冉冉天仙人廣場寒食風日好百夫  
伐鼓錦臂新銀畫青綃扶雲髮高處綺羅香更切重肩接立  
三四層著屐背行仍應節兩邊圓劍漸相迎側身交步何輕  
盈閃然欲落卻收得萬人肉上寒毛生危操險勢無不有倒  
掛纖腰學垂柳下來一一芙蓉姿粉薄鈿稀態轉奇坐中還  
有沾巾者曾見明皇初教時

王中丞宅夜觀舞胡騰

石國胡兒人見少蹲舞樽前急如鳥織成蕃帽虛頂尖細氎  
胡衫雙袖小手中拋下葡萄盞西顧忽思鄉路遠跳身轉轂

寶帶鳴弄腳繽紛錦靴軟四座無言皆瞪目橫笛琵琶徧頭  
促亂騰新毯雪朱毛傍拂輕花下紅燭酒闌舞罷絲管絕木  
棉花西見殘月

悲善才

李紳

穆皇夜幸蓬池曲金鑾殿開高秉燭東頭弟子曹善才琵琶  
請進新翻曲翠蛾列坐層城女笙笛參差齊笑語天顏靜聽  
朱絲彈眾樂寂然無敢舉銜花金鳳當承撥轉腕攏絃促揮  
抹花翻鳳嘯天上來徘徊滿殿飛春雪抽絃度曲新聲發金  
鈴玉佩相磋切流鶯子母飛上林仙鶴雌雄唳明月此時奉  
詔侍金鑾別殿承恩許召彈三月曲江春水綠九霄天樂下  
雲端紫髯供奉前屈膝盡彈妙曲當春日寒泉注射隴水開

胡鴈翻飛向天沒日曛塵暗車馬散爲惜新聲有餘歎明年  
冠劍閉橋山萬里孤臣投海畔離琴鍛羽強迴飛白首生從  
五嶺歸聞道善才成朽骨空餘弟子奉音徽南譙寂寞三春  
晚有客彈絃獨淒怨靜聽深奏楚月光憶昔初開曲江宴心  
悲不覺淚闌干更爲調絃反覆彈秋吹動搖神女佩月珠敲  
擊水晶盤自憐淮海同泥滓恨魄凝心未能死惆悵追懷萬  
事空雍門琴感徒爲爾

夜宴曲

施肩吾

蘭缸如晝曉不眠玉堂夜起沈香煙青娥一行十二仙欲笑  
不笑桃花然碧窗弄嬌梳洗晚戶外不知銀漢轉被郎嗔罰  
瑠璃盞酒入四肢紅玉軟

鄰相反行

薛逢

東家有兒年十五只向田園獨辛苦夜開溝水遶稻田曉叱  
耕牛墾瘠土西家有兒纔弱齡儀容清峭雲鶴形涉書獵史  
無早暮坐期朱紫如拾青東家西家兩相誚西兒笑東東又  
笑西云養志與榮名彼此相非不同調東家自云雖苦辛躬  
耕早暮得及親男春女爨二十載堂上未爲衰老人朝機暮  
織還充體餘者到兄還及弟春秋伏臘長在家不許妻拏暫  
違禮爾今二十方讀書十年取第三十餘往來途路長離別  
幾人便得升公車縱令得官身須老銜恤終天向誰道百年  
骨肉歸下泉萬里枌榆長秋草我今躬耕奉所天耘鋤刈穫  
當少年面上笑添今日喜眉頭薪續厨中煙縱使此身頭雪

白又有兒孫還稼穡家藏一卷古孝經世世相傳皆得力爲  
報西家知不知何須謾笑東家兒生前不得供甘滑沒後揚  
名徒爾爲

雞鳴曲

李廓

星稀月沒入五更膠膠角角雞初鳴征人牽馬出門立辭妾  
欲向安西行再鳴引頸簷頭下樓中角聲催上馬纔分曙色  
第三鳴旌旆紅塵已出城婦人上城亂招手夫婿不聞遙哭  
聲長恨雞鳴別時苦不遣雞栖近窗戶

韓碑

李商隱

元和天子神武姿彼何人哉軒與義誓將上雪列聖恥坐法  
宮中朝四夷淮西有賊五十載封狼生獍獍生羆不據山河

據平地長戈利矛曰可麾帝得聖相相曰度賊斫不死神扶  
持腰懸相印作都統陰風慘澹天王旗惣武古通作牙爪儀  
曹外郎載筆隨行軍司馬智且勇十四萬眾猶虎貔入蔡縛  
賊獻太廟功無與讓恩不訾帝曰汝度功第一汝從事愈宜  
爲辭愈拜稽首蹈且舞金石刻畫臣能爲古者世稱大手筆  
此事不繫於職司當仁自古有不讓言訖屢領天子頤公退  
齋戒坐小閣濡染大筆何淋漓點竄堯典舜典字塗改清廟  
生民詩文成破體書在紙清晨再拜鋪丹墀表曰臣愈昧死  
上詠神聖功書之碑碑高三丈字如斗負以靈鼇蟠以螭句  
奇語重喻者少譏之天子言其私長繩百尺拽碑倒麤砂大  
石相磨治公之斯文若元氣先時已人人肝脾湯盤孔鼎有

述作今無其器存其辭嗚呼聖皇及聖相相與烜赫流淳熙  
公之斯文不示後曷與三五相攀追願書萬本誦萬過口角  
流沫右手舐傳之七十有二代以爲封禪玉檢明堂基

偶成轉韻七十二句贈四同舍

沛國東風吹大澤蒲青柳碧春一色我來不見隆準人漉酒  
空餘廟中客征東同舍鴛與鸞酒酣勸我懸征鞍藍山寶肆  
不可入玉中仍是青琅玕武威將軍使中俠少年箭道驚楊  
葉戰功高後數文章憐我秋齋夢蝴蝶詰旦九門傳奏章高  
車大馬來煌煌路逢鄒枚不暇揖臘月大雪過大梁憶昔公  
爲會昌宰我時入謁虛懷待眾中賞我賦高唐迴看屈宋由  
年輩公事武皇爲鐵冠厯厯請我相所難我時顛顚在書閣

臥枕芸香春夜闌  
明年赴辟下昭桂  
東都慟哭辭兄弟  
韓公堆上跋馬時  
迴望秦川樹如薺  
依稀南指陽臺雲  
鯉魚食鉤猿失羣  
湘妃廟下已春盡  
虞帝城前初日曛  
謝遊橋上澄江館  
下望山城如一彈  
鷓鴣聲苦曉驚眠  
朱槿花嬌晚相伴  
頃之失職辭南風  
破帆壞槳荆江中  
斬蛟斷壁不無意  
平生自許非怱怱  
歸來寂寞靈臺下  
著破藍衫出無馬  
天官補吏府中趨  
玉骨瘦來無一把  
手封狴牢屯制囚  
直廳印鎖黃昏愁  
平明赤帖使修表  
上賀嫖姚收賊州  
舊山萬仞青霞外  
望見扶桑出東海  
愛君憂國去未能  
白道青松了然在  
此時聞有燕昭臺  
挺身東望心眼開  
且吟王粲從軍樂  
不賦淵明歸去來  
彭門十萬皆雄勇  
首戴公恩若山重  
廷評日下握靈蛇  
書

記眠時吞綵鳳之子夫君鄭與裴何甥謝舅當世才青袍白  
簡風流極碧沼紅蓮傾倒開我生麤疏不足數梁父哀吟鵠  
鵠舞橫行闊視倚公憐狂來筆力如牛弩借酒祝公千萬年  
吾徒禮分常周旋收旗臥鼓相天子相門出相光青史

舞衣曲

溫庭筠

藕腸纖縷抽輕春煙機漠漠嬌蛾顰金梭浙瀝透空薄翦落  
交刀吹斷雲張家公子夜聞雨夜向蘭堂思楚舞蟬衫麟帶  
壓愁香偷得鶯簧鑲金縷管含蘭氣嬌語悲胡槽雪腕鴛鴦  
絲芙蓉力弱應難定楊柳風多不自持迴顰笑語西窗客星  
斗寥寥波脈脈不逐秦王卷象牀滿樓明月梨花白

春江花月夜詞

詞集卷十三  
玉樹歌闌海雲黑花庭忽作青蕪國秦淮有水水無情還向  
金陵漾春色楊家二世安九重不御華芝嫌六龍百幅錦帆  
風力滿連天展盡金芙蓉珠翠丁星復明滅龍頭劈浪哀笳  
發千里涵空澄水魂萬枝破鼻飄香雪漏轉霞高滄海西頗  
黎枕上聞天雞蠻絃代寫曲如語一醉昏昏天下迷四方傾  
動煙塵起猶在濃香夢魂裏後主荒宮有曉鶯飛來只隔西  
江水

懊惱曲

藕絲作線難勝鍼藥粉染黃那得深玉白蘭芳不相顧青樓  
一笑輕千金莫言自古皆如此健劒刺鐘鉛繞指三秋庭綠  
盡迎霜惟有荷花守紅死廬江小吏朱斑輪柳縷吐芽香玉

春兩股金釵已相許不令獨作空成塵悠悠楚水流如馬恨  
紫愁紅滿平野野土千年怨不平至今燒作鴛鴦瓦

津陽門詩

并序

鄭 嵎

津陽門者華清宮之外闕南局禁闥北走京道開成  
中嵎常得羣書下帷於石甕僧院而甚聞宮中陳迹  
焉今年冬自虢而來暮及山下因解鞍謀餐求客旅  
邸而主翁年且艾自言世事明星夜闌酒餘復爲嵎  
道承平故實翼日於馬上輒裁刻俚叟之話爲長句  
七言詩凡一千四百字成一百韻止以門題爲之目  
云耳

津陽門北臨通達雪風獵獵飄酒旗泥寒款段蹶不進疲童

退問前何爲酒家顧客催解裝案前羅列樽與卮青錢瑣屑  
安足數白醪軟美甘如飴開鑪引滿相獻酬枯腸渴肺忘朝  
饑愁憂似見出門去漸覺春色入四肢主翁移客挑華燈雙  
肩隱膝烏帽欹笑云鮐老不爲禮飄蕭雪鬢雙垂頤問余何  
往凌寒曦顧翁枯朽郎豈知翁曾豪盛客不見我自爲君陳  
昔時時平親衛號羽林我纔十五爲孤兒射熊搏虎眾莫敵  
彎弧出入隨欬飛此時初創觀風樓簷高百尺堆華棖樓南  
更起鬪雞殿晨光山影相參差其年十月移禁仗山下櫛比  
羅百司朝元閣成老君見會昌縣以新豐移幽州曉進供奉  
馬玉珂寶勒黃金羈五王扈駕夾城路傳聲校獵渭水湄羽  
林六軍各出射籠山絡野張罝維彫弓繡鞬不知數翻身滅

沒皆蛾眉赤鷹黃鶻雲中來妖狐狡兔無所依人煩馬殆禽  
獸盡百里腥膻禾黍稀暖山度臘東風微宮娃賜浴長湯池  
刻成玉蓮噴香液漱迴烟浪深逶迤犀屏象薦雜羅列錦鳬  
繡雁相追隨破簪翠鈿不足拾金溝殘溜和纓綫上皇寬容  
易承事十家三國爭光輝繞牀呼盧恣樗博張鎧達晝相謾  
欺相君侈擬縱驕橫日從秦虢多游嬉朱衫馬前未滿足更  
驅武卒羅旌旗畫輪寶軸從天來雲中笑語聲融怡鳴鞭後  
騎何躑躅宮妝襟袖皆仙姿青門紫陌多春風風中數日殘  
春遺驪駒吐沫一奮迅路人擁篲爭珠璣八姨新起合歡堂  
翔鵬賀燕無由窺萬金酬工不肯去矜能恃巧猶嗟咨四方  
節制傾附媚窮奢極侈沾恩私堂中特設夜明枕銀燭不張

光鑒帷瑤光樓南皆紫禁梨園仙宴臨花枝迎娘歌喉玉窈  
窕蠻兒舞帶金葳蕤三郎紫笛弄煙月怨如別鶴呼羈雌玉  
奴琵琶龍香撥倚歌促酒聲嬌悲飲鹿泉邊春露晞粉梅檀  
杏飄朱墀金沙洞口長生殿玉藥峯頭王母祠禁庭術士多  
幻化上前較勝紛相持羅公如意奪顏色三藏袈裟成散絲  
蓬萊池上望秋月無雲萬里懸清輝上皇夜半月中去三十  
六宮愁不歸月中秘樂天半間丁璫玉石和塤箎宸聰聽覽  
未終曲卻到人間迷是非千秋御節在八月會同萬國朝華  
夷花萼樓南大合樂八音九奏鸞來儀都盧尋橦誠齷齪公  
孫劒伎方神奇馬知舞徹下牀榻人惜曲終更羽衣祿山此  
時侍御側金雞畫障當呆愚繡綉衣祿日肩鼉甘言狡計愈

嬌癡詔令上路建甲第樓通走馬如飛輦大開內府恣供給  
玉缶金筐銀簸箕異謀潛熾促歸去臨軒賜帶盈十圍忠臣  
張公識逆狀日日切諫上弗疑湯成召浴果不至潼關已溢  
漁陽師御街一夕無禁鼓王輅順動西南馳九門回望塵岔  
多六龍夜馭兵衛疲縣官無人具軍頓行宮徹屋屠雲螭馬  
鬼驛前駕不發宰相射殺冤者誰長眉鬢髮作凝血空有君  
王潛涕漬青泥阪上到三蜀金隄城邊止九旂移文泣祭昔  
臣墓度曲悲歌秋雁辭明年尙父上捷書洗清觀闕收封畿  
兩君相見望賢頓君臣鼓舞皆歔歔宮中親呼高驃騎潛令  
改葬楊真妃花膚雪豔不復見空有香囊和淚滋鑾輿卻入  
華清宮滿山紅實垂相思飛霜殿前月悄悄迎春亭下風颺

颶雪衣女失玉籠在長生鹿瘦銅牌垂象牀塵凝罨颶被畫  
檐蟲網頗黎碑碧菱花覆雲母陵風篁雨菊低離披真人影  
帳偏生草果老藥堂空掩扉鼎湖一日失弓劒橋山煙草俄  
霏霏空聞玉椀入金市但見銅壺飄翠帷開元到今踰十紀  
當初事跡皆殘隳竹花唯養棲梧鳳水藻周游巢葉龜會昌  
御宇斥內典去畱二教分黃緇慶山汗瀦石甕毀紅樓綠閣  
皆支離奇松怪柏爲樵蘇童山智谷亡嶮巖煙中壁碎摩詰  
畫雲間字失立宗詩石魚巖底百尋井銀牀下卷紅綆遲當  
時清影蔭紅葉一旦飛埃埋素規韓家燭臺倚林杪千枝燦  
若山霞摘昔年光彩奪天月昨日銷鎔當路岐龍宮御榜高  
可惜火焚牛挽臨崎嶇孔雀松殘赤琥珀鴛鴦瓦碎青琉璃

今我前程能幾許徒有餘息筋力羸逢君話此空灑涕卻憶  
歡娛無見期主翁莫泣聽我語寧勞感舊休吁嘻河清海宴  
不難覩我皇已上昇平基湟中土地昔煙沒昨夜收復無瘡  
痍戎王北走棄青塚虜馬西奔空月支兩逢堯年豈易偶願  
翁頤養豐膚肌平明酒醒便分首今夕一樽翁莫違

次潭州酬唐侍御姚員外游道林嶽麓寺題示

沈傳師

承明年老輒自論乞得湘守東南奔爲聞楚國富山水青障  
邐迤僧家園含香珥筆皆眷舊謙抑自忘臺省尊不令執簡  
候亭館真許攜手游仙樊忽驚列岫曉來逼朔雪洗盡煙嵐  
昏碧波迴嶼三山轉丹檻繚郭千艘屯華鑣躡蹠絢砂步大

詩集山房詩卷十三  
三  
旆綵錯輝松門  
樛枝競驚龍蛇勢  
折幹不減風霆痕  
相重古殿倚巖腹  
別引新徑縈雲根  
目傷平楚虞帝魂  
情多思遠聊開樽  
危弦細管逐歌颺  
畫鼓繡靴隨節翻  
鏘金七言凌老杜  
入木八法蟠高軒  
嗟余潦倒久不利  
忍復感激論元元

馮燕歌

司空圖

魏中義士有馮燕  
遊俠幽并最少年  
避讐偶作滑臺客  
嘶風躍馬來翩翩  
此時恰遇鶯花月  
隄上軒車晝不絕  
兩面高樓語笑聲  
指點行人情暗結  
擲果潘郎誰不慕  
朱門別見紅妝露  
故故推門掩不開  
似教歐軋傳言語  
馮生敲鎧袖籠鞭  
半拂垂楊半惹煙  
樹間春鳥知人意的  
的心期暗與傳傳道  
張嬰偏嗜酒從此香  
閨爲我有梁間客  
燕正相欺屋上鳴  
鳩空

自鬪嬰歸醉臥非讐汝豈知負過人懷懼燕依戶扇欲潛逃  
巾在枕傍指令取誰言狼戾心能忍待我情深情不隱回身  
本謂取巾難倒柄方知授霜刃馮君撫劍卽遲疑自顧平生  
心不欺爾能負彼必相負假手他人復在誰窗間紅豔猶可  
掬熟視花鈿情不足惟將大義斷胸襟粉頸初迴如切玉鳳  
皇釵碎各分飛怨魄嬌魂何處追淩波如喚遊金谷羞彼柳  
榆淚滿衣新人藏匿舊人起白晝喧呼駭鄰里誣執張嬰不  
自明貴免生前遭考捶官將赴市擁紅塵掉臂人來擗看人  
傳聲莫遣有冤濫殺盜嬰家卽我身初聞僚吏翻疑歎呵叱  
風狂辭不變縲囚解縛猶自疑疑是夢中方脫免未死勸君  
莫浪言臨危不顧始知難己爲不平能割愛更將身命救深

詩集山房集詩卷十三  
三  
冤白馬賢侯賈相公長懸金帛募才雄拜章請贖馮燕罪干  
古三河激義風黃河東注無時歇注盡波瀾名不滅爲感詞  
人沈下賢長歌更與分明說此君精爽知猶在長與人間畱  
炯戒鑄作金燕香作堆焚香酌酒聽歌來

乞彩牋歌

韋莊

浣花溪上如花客綠闇紅藏人不識畱得溪頭瑟瑟波潑成  
紙上猩猩色手把金刀擘彩雲有時翦破秋天碧不使紅霓  
段段飛一時驅上丹霞壁蜀客才多染不供卓文醉後開無  
力孔雀銜來向日飛翩翩壓折黃金翼我有歌詩一千首磨  
礱山岳羅星斗開卷長疑雷電驚揮毫只怕龍蛇走班班布  
在時人口滿袖松花都未有人間無處買煙霞須知得自神

仙手也知價重連城璧一紙萬金猶不惜薛濤昨夜夢中來  
殷勤勸向君邊覓

江湖散人歌

陸龜蒙

散人者散誕之人也心散意散形散神散既無羈限  
爲時之怪民束於禮樂者外之曰此散人也散人不  
知恥乃從而稱之人或笑曰彼病子散而目之子反  
以爲其號何也散人曰天地大者也在太虛中一物  
耳勞乎覆載勞乎運行差之晷度寒暑錯亂望斯須  
之散其可得耶水土之散皆有用乎水之散爲雨爲  
露爲霜雪水之局爲瀦爲沍爲潢汙土之散封之可  
崇穴之可深生可以藝死可以入土之局壘不可以

言身言卷十三  
三  
爲埏埴不可以爲孟得非散能通於變化局不能耶  
退若不散守名之筌進若不散執時之權筌可守耶  
權可執耶遂爲散歌散傳以志其散

江湖散人天骨奇短髮搔來蓬半垂手提孤篴曳寒繭口誦  
太古滄浪詞詞云太古萬萬古民性甚野無風期夜棲止與  
禽獸雜獨自構架縱橫枝因而稱曰有巢氏民共敬貴如君  
師當時只效烏鵲輩豈是有意陳尊卑無端後聖穿鑿破一  
派前導千流隨多方惱亂元氣死日使文字生姦欺聖人事  
業轉銷耗尙有漁者存熙熙風波不獨困一士凡百器具皆  
能施鼠疏漚腐鱸鰕脫止失檢馭無讒疵人間所謂好男子  
我見婦女畱鬢眉奴顏婢膝真乞丐反以正直爲狂癡所以

頭欲散不散弁我魏所以腰欲散不散佩陸離行散任之適  
坐散從傾欹語散空谷應笑散春雲披衣散單複便食散酸  
鹹宜書散渾真草酒散甘醕醑屋散勢斜直樹散行參差客  
散忘簪履禽散虛籠池物外一以散中心散何疑不共諸侯  
分邑里不與天子專隍陴靜則守桑柘亂則逃妻兒金鑣貝  
帶未嘗識白刃殺我窮生爲或聞蕃將負恩澤號令鐵馬如  
風馳大君年小丞相少當軸自請都旌旗神鋒悉出羽林仗  
續晝日月蟠龍螭太宗基業甚牢固小醜背叛當殲夷禁軍  
近自肅宗置抑遏輔國爭雄雌必然大段翦兇逆須召勁勇  
持軍麾四方賊壘猶占地死者暴骨生寒饑歸來輒擬荷鋤  
笠詬吏已責租錢遲興師十萬一日費不啻千金何以支祇

今利口且箕歛何暇俛首哀惇嫠均荒補敗豈無術布在方  
冊撐頹穢冰霜襦袴易反掌白面諸郎殊不知江湖散人悲  
古道悠悠幸寄羲皇傲官家未議活蒼生拜賜江湖散人號

惜花吟

鮑君微

枝上花花下人可憐顏色俱青春昨夜看花花灼灼今朝看  
花花欲落不如盡此花下歡莫待春風總吹卻鶯歌蝶舞媚  
韶光紅爐煮茗松花香妝成罷吟恣遊樂獨把花枝歸洞房

從蕭叔子聽彈琴賦得三峽流泉歌

李冶

妾家本住巫山雲巫山流泉常自聞玉琴彈出轉寥夔直是  
當時夢裏聽三峽迢迢幾千里一時流入幽閨裏巨石崩崖  
指下生飛泉走浪絃中起初疑憤怒含雷風又似嗚咽流不

通迴湍曲瀨勢將盡時復滴瀝平沙中憶昔阮公爲此曲能  
令仲容聽不足一彈旣罷復一彈願作流泉鎮相續

寄夫征衣

裴羽仙

深閨乍冷開香匣玉筋微微濕紅頰一陣霜風殺柳條濃煙  
半夜成黃葉重重白練如霜雪獨下寒階轉淒切祇知抱杵  
搗秋砧不覺高樓已無月時聞寒鴈聲呼喚紗窗只有燈相  
伴幾展齊紈又嬾裁離腸空逐金刀斷細想儀形執刀尺回  
刀剪破澄江色愁捻銀針信手縫惆悵無人試寬窄時時舉  
袖勻殘淚紅箋漫有千行字書中不盡心中事一半殷勤託  
邊使

醉吟

許宣平





